

*Handwritten text, possibly bleed-through from the reverse side of the page. The text is partially obscured and difficult to decipher, but appears to include the words "No.", "form", and "m. u."*

II - 38

944


in J<sup>o</sup>

Augustus

Augustus

Augustus





*Bilanae*  
*in*  
*Amalibensium*

7. III. 38.

In  
Se  
ie  
In  
m  
Et  
cu  
ru  
xi  
In  
O  
F  
O  
Co  
pr  
De  
de  
h  
T  
Ep  
pti  
de  
J

OFFICIA PROPRIA  
 SANCTORUM  
 REGNI POLONIÆ.  
 PARS AUTUMNALIS.

FESTA SEPTEMBRIS.

DIE IV. SEPT.

In festo S. Rosaliæ Virginis.  
*Semidupl. ad libit. Varsavia.*

*Omnia ut in Breviario in-  
 ter Festa particularium locor.*

DOM. I. SEPT.

In festo Reliquiarum Diocæs.  
 Varm. & Sambien. Dupl.

*Omnia de Communi pluri-  
 morum Martyrum præter Le-  
 ctiones i. ii. iii. Noct. quæ di-  
 cuntur ut in festo Reliquia-  
 rum Eccl. P. R. S. Dom. nica pro-  
 xima post festum S. Matthæi.*

DIE XXIV. SEPT.

In festo S. Thyrsi, Palmatii.  
 & Socior. Mart. Dupl. minus.

*Pro Diocæsi Uladislaviensi,  
 & Pomerania Omnia de  
 Communi plurim. Martyr.  
 præter sequentia Oratio.  
 Deus qui nos concedis.*

*Lectioes primi Nocturni  
 de Script. occurrente.*

*In secundo Noct. Lectio iv.*

**T**Hebææ legionis milites  
 insignes Christiani, ab  
 Episcopo Jerosolymitano ba-  
 ptizati, à Marcellino dein-  
 de Pontifice Romano præ-

*Pars Autumn.*

ceptis salutaribus instructi  
 fuerant. Duces duos habe-  
 bant, unum Thyrsus, alte-  
 rum Secundum nomine, Pri-  
 micerium verò Mauritium.  
 Ex quibus secundus apud Vi-  
 ctimilium Italiæ castrum  
 martyrio vitam finivit : Mau-  
 ritius apud Agaunum cum  
 sociis pro Christo gladio oc-  
 cubuit. Thyrsus autem &  
 Bonifacius cum suis plurimis  
 sociis & principibus Trevi-  
 rim devenerunt, ibique in  
 campo Martio castra fixe-  
 runt.

R. Sancti tui.

*Lectio v.*

**S**ub idem tempus Riccio-  
 varus à Maximiano præ-  
 fectura Trevirorum dona-  
 tus, eandem urbem maxi-  
 mo militum agmine stipatus  
 intravit. Qui vocatos ad se  
 inprimis Thebææ legionis  
 Christianos hortatus est, ut  
 & ipsi Romanorum Deos  
 adorare, eorumque deita-  
 tores armis subjugare vel-  
 lent. Cui Dux Thyrsus cum  
 responderet, se suosque om-

**A**

nes

Festa Septembris.

nes pro Christi amore malle mori, quàm hujusmodi sacrilegio pollui, Rictiovarus diffusis per totum campum militibus omnes præcepit interfici, & corpora eorum feris & avibus devoranda projici.

Rx: Verbera carnificum.

*Lectio vi.*

**H**anc eadem cum Rictiovarus quarto nonas Octobris exercuisset, sequenti die in cives Christianos sævit. Palmatumque proconsulem & patritium civitatis cum undecim viris primariis occidit. Nihilominus die tertio in plebem sexûs utriusque eadem exercuit, totamque urbem occisis Christianis innumerabilibus implevit. Annus hic fuit à Christi natiuitate supra ducentessimum nonagesimus primus.

Rx: Tamquam aurum.

*In tertio Nocturno Homilia in Evang. Cùm audieritis. de Communi plurim. MM.*

*In Ecclesia Cathedrali fit de S. Thyrso Martyre sine Sociis, sub ritu Duplici, & omnia dicuntur de Communi unius Martyris primo loco præter sequentia. Oratio.*

**O**mnipotens sempiterne Deus, qui beatum Thyrsum pro confessione nominis tui fortem in certamine fecisti, & eum per Martyrii palmam sanctis tuis in cœlis

sociasti, præsta quæsumus; ut, qui Martyrii sui diem annua devotione recolimus, ipsius intercessione in confessione fidei simus stabiles & in bonis operibus efficaces. Per Dominum.

*In tertio Nocturno Homilia in Evang. Nihil est operatum, ut in Festo S. Callisti Papa & Mart. die XLV. Octob.*

**DIE XXVI. SEPT.**

In festo B. Josaphat Archiepiscopi Polac. & Mart. P. R. P.

*Duplex. Oratio.*

**O**mnipotens sempiterne Deus, qui beatum Josaphat palma martyrii condecorando Ecclesiæ Catholicæ novum apud te intercessorem providisti: quæsumus, ut ejus meritis & auxilio à malis omnibus liberati, tuo nomini studiosius serviamus. Per Dominum.

*In primo Nocturno, Lektionen de Scriptura occurrente.*

*Reliqua omnia de Communi unius Martyris in secundo ordine.*

**DIE XXVII. SEPT.**

In festo Translationis S. Stanislai Episc. & Mart. P. R. P.

*Duplex.*

*Omnia de Communi unius Mart. præter propria, quæ sequuntur.*

*Ad Vesperas, Capitulum.*

*Hebr. 5.*

**O**mnis Pontifex ex hominibus assumptus pro homini-

minibus constituitur in iis,  
quæ sunt ad Deum, ut offerat  
dona & sacrificia pro pecca-  
tis. *Hymnus.*

**G**AUDE mater Polonia,  
Prole fœcunda nobili.

Summi Regis magnalia  
Laude frequenta vigili.

Cujus benigna gratia;  
Stanislai Pontificis

Passionis insignia  
Signis fulgent mirificis.

Hic certans pro justitia,  
Regis non cedit furia:

Stat pro plebis injuria  
Christi miles in acie.

Tyranni truculentiam  
Qui dum constanter arguit,

Martyrii victoriam  
Membratim cæsus meruit.

Novum pandit miraculum  
Splendor in sancto cœlicus:

Redintegrat corpusculum  
Sparsum cœlestis medicus.

Sic Stanislaus Pontifex  
Transit ad cœli curiam,

Ut apud Deum opifex  
Nobis imploret veniam.

Poscentes ejus merita.  
Salutis dona referunt:

Mortē præveni subitâ  
Ad vitæ portum redeunt.

Cujus ad tactum annuli  
Morbi fugantur turgidi:

Ad locum sancti tumuli  
Multi curantur languidi.

Surdus auditus redditur,  
Claudis gressûs officium:

Mutorum lingua solvitur,  
Et fugatur dœmonium.

Ergo felix Cracovia,

Sacro dotata corpore,  
Deum, qui fecit omnia  
Benedic omni tempore.

Sit Trinitati gloria,  
Laus, honor, jubilatio:

De Martyris victoria  
Sit nobis exultatio. Amen.

*V.* Gloria & honore coro-  
nasti eum Domine.

*R.* Et constituisti eum super  
opera manuum tuarum.

*Ad Magnificat, Antiph.*

**O** beate Stanislae, Præsul

plebis Cracoviæ, cujus  
signa victoriæ latè patent Po-

loniæ: nam dono Christi  
gratiæ, pestes curantur variæ.

Tua, Martyr egregie, festa  
colentes hodie, Regi com-

menda gloriæ.

*Oratio.*

**D**EUS, pro cujus honore

gloriosus Pontifex Sta-  
nislaus gladiis impiorum

occubuit: præsta quæsumus,  
ut omnes, qui ejus implo-

rant auxilium, petitionis suæ  
salutarem consequantur effe-

ctum. Per Dominum.

*In primo Nocturno, Lectio-*  
*nes de Scriptura occurrente.*

*In secundo Nocturno.*

*Lectio iv.*

**E**CCE enim Stanislaus com-  
putatus est inter filios Dei,  
& inter sanctos fors illius est.

Honorificavit eum Pater æ-  
ternus, qui in cœlis est: cen-

tuplum accepit in hac vita,  
& vitam æternam possidet.

Nam qui vivus cæcis viam

demonstrabat, mortuus cœcos illuminat: qui vivus unum solum mortuum, magna nostri orbis admiratione, à mortuis excitavit, mortuus plures de forte mortis sustulit: qui vivus ferro Boleslai cessit, mortuus universos exercitus atque acies integras, piorum regum patronus & adjutor, gentisque suæ amator, fugat. Itaque cum locus ille, ubi depositus fuit, populi frequentiam, quæ illuc opis causa confugiebat, continere non posset, Lambertus hujus nominis tertius, successor ejus, & Princeps Uladislaus, divinis visionibus admoniti, ossa sancti odorem suavissimum spirantia sanctè ac reverenter in primarium templum Cracoviense, sancti Wenceslai tum dictum, transferunt. Sic suo altari Pontifex, Cathedræ Doctor, templo Episcopus, populo pastor, post decennium restituitur.

R. Honestum fecit.

*Lectio v.*

Post centum tandem & septuaginta annos excitat Dominus spiritum Prandotæ Episcopi Cracoviensis, viri sancti, Boleslai item Ducis cum sua conjuge Kinga, fæmina castissima: qui miraculis sancti Episcopi collectis, & fide publica tamquam

igni probatis, legatos ad Innocentium quartum Summum Pontificem mittunt, atque ut tantum virum in numerum sanctorum referre velit, diligenter precantur. Fit consultatio Affisi, ubi tum forte erat Summus Pontifex. Inter alios tum unus adversabatur causæ Divi Stanislai Reinholdus Cardinalis Ostiensis, vir primæ auctoritatis. Incidit hic in gravem & lethalem morbum: cui in somnis apparet Divus Stanislaus, indigne illum facere docet, qui Dei resistat voluntati. Excitatur senex, Divo se commendat, convalescit, causam antea oppugnatam tuetur. Fit summus consensus omnium, Episcopus sanctus inter Martyres refertur.

R. Desiderium animæ.

*Lectio vi.*

Contigerat Deo ita ordinante inter ipsam rem sacram, ut mortuus adolescens à matre in illud templum Divi Francisci dictum deduceretur. Pontifex Deum supplex precatur, ut novo miraculo factum suum confirmet: erigit se subito adolescens, fit ingens lætitia omnium. Summus Pontifex pro suggestu gratias Deo agit, Martyrem luculentissima oratione celebrat, diem octavum Idus Maii memoria ejus



ejus solemnem assignat. Re-  
deunt legati cum ingenti læ-  
sitia, annuntiantes, quanta  
Deus fecit cum Martyre suo.  
Prandota Episcopus ossa San-  
cti ex pulvere terræ subleuat,  
eaque pro more solito in al-  
tari condit, Boleslao rege  
pudico ac Regina pudicissi-  
ma, cœterisque Episcopis ac  
Ducibus regni, vicinarum-  
que provinciarum assistenti-  
bus. Et factum est in die illa  
gaudium magnum, benedi-  
xitque Dominus novissimis  
Stanislai magis quàm prin-  
cipio ejus.

R. Sola jucunditatis.

*In tertio Nocturno.*

Lectio sancti Evangelii secun-  
dum Joannem.

*Lectio vii. Cap. 10.*

IN illo tempore: Dixit JE-  
sus Phariseis: Ego sum  
pastor bonus. Bonus pastor  
animam suam dat pro ovibus  
suis. Et reliqua.

Homilia S. Basilii Ep.

Quomodo cum magna di-  
cit: Ego manu mea fir-  
mavi terram, ego produxi  
cœlos solus: quomodo cum  
alia dicit, quæ digna sunt dici  
de Deo, sic dicit: Ego sum  
pastor bonus. Arcet dege-  
neres, & veritatem sibi ipsi  
vendicat: Ego sum pastor  
ille bonus. Disce, quis sit  
pastor, & quis sit bonus ille.  
Ipso hoc interpretatur: Bo-  
nus pastor animam suam po-

nit pro ovibus suis: merce-  
narius verò, & qui non est  
pastor, cujus non sunt oves  
propriæ, illi nihil est curæ,  
quando lupum venientem vi-  
det. Hic quærit Ecclesia: Si  
Dominus Pastor est, quis sit  
mercenarius pastor? Num  
diabolus? Et, si diabolus  
mercenarius pastor est, quis  
sit lupus? At lupus diabolus  
est, bestia immanis, rapax,  
insidiosa, communis om-  
nium hostis. Habeat ita-  
que propriam appellationem  
mercenarius pastor.

R. O venerandam marty-  
ris constantiam! o prædi-  
candam Stanislai Præsulis  
fidem, qua in testem verita-  
tis Boleslai regis sistendum  
tribunalibus \* Petrum revo-  
cavit ab inferis. V. Trien-  
nem in tumulo, deficienti-  
bus à veritate filiis homi-  
num. Petrum.

*Lectio viii.*

Tunc quidem mercena-  
rios pastores Dominus  
vocavit, ad eos conversus,  
qui tunc erant, sunt verò &  
nunc (quod minimè vellem)  
qui non, ut profint ovibus,  
pastores agunt: quibus pro-  
priè mercenariorum appel-  
latio convenit. Tunc prin-  
cipes sacerdotum notaban-  
tur, & Pharisei, & tota se-  
cta illa Judaica: illos dixit  
mercenarios esse pastores,  
qui non veritatis, sed quæ-  
stus

stus sui gratiâ pascendi potestatem usurpârant: qui vano prætextu precationibus instabant, ut panem comederent viduarum & orphanorum. Mercenarii sunt, qui proprium commodum curant: qui præsentia sectantes, ad futura non aspiciunt, mercenarii sunt, non pastores.

Resp. Pastor cadit in gregis medio; dormit sponsus in sponsæ gremio: mater plorans gaudet in filio.  
\* Quia vivit victor sub gladio.

Vers. Cleri plebisque concio in patris natalitio jubilet cum tripudio pro tanto beneficio. Quia vivit. Gloria. Quia vivit.

*Lectio ix.*

**ET** cognosco oves meas, & cognoscunt me meæ, Quid vocat cognoscere? oves meæ, inquit, vocem meam audiunt. Ecce quomodo cognoscatur Deus, ex eo quòd præcepta illius audimus: ex eo quòd illa audientes opere adimplemus. Hæc demùm est cognitio Dei, observantia videlicet præceptorum Dei, non inanis illa curiositas, non essentiæ Dei & supramundanorum investigatio, non rerum invisibilem consideratio. Satis tibi sit, scire pastorem esse bonum, animam

suam posuisse pro ovibus. Quantus verò sit Deus, & quæ illius mensura, & qualis essentia; talia sciscitantur sunt periculosa, ei autem, qui rogatur, perplexa: & talium medicina est silentium. Qui verò nostram hanc panegyrim congregavit, nos custodiat indemnes, illæsos, & à lupi rapacitate securos, Ecclesiam hanc immotam, ac magis Martyrum turribus munitam, conservet: omnes furentium hæreticorum insidias, & incursum in tranquillitate ac silentio avertat: nobis verò donet, ut divina oracula discamus & doceamus, subministrata à Spiritu sancto gratia: cui cum Patre & Filio sit gloria & imperium nunc & semper, & in sæcula sæculorum, Amen.

Te Deum laudamus.

*Ad Benedictus, Antiphona.*

Martyr Dei Stanislaus gloriosus Pontifex, quem occidit Boleslaus truculentus princeps: pastor bonus & patronus adsit nobis opifex, & virtutum artifex.

*Ad Tertiam, Capitulum.*

Omnis Pontifex ex hominibus assumptus pro hominibus constituitur in iis, quæ sunt ad Deum, ut offerat dona ac sacrificia pro peccatis.

*R. bre-*

*R. breve.* Gloria & honore,  
\* Coronasti eum Domine.  
Gloria & honore. V. Et  
constituisti eum super opera  
manuum tuarum. Corona-  
sti Gloria Patri. Gloria &  
honore.

V. Posuisti Domine super  
caput ejus. R. Coronam de  
lapide pretioso.

*Ad Sextam, Capitulum.*

Qui condolere possit iis,  
qui ignorant & errant: quo-  
niam & ipse circumdatus est  
infirmirate; & propterea de-  
bet quemadmodum pro po-  
pulo, ita etiam & pro se-  
metipso offerre pro pecca-  
tis.

*R. breve.* Posuisti Domine  
\* super caput ejus. Posuisti.  
V. Coronam de lapide pretio-  
so. Super. Gloria Patri. Po-  
suisti.

V. Magna est gloria ejus in  
salutari tuo. R. Gloriam &  
magnum decorem impones  
super eum.

*Ad Nonam, Capitulum.*

Talis enim decebat, ut no-  
bis esset Pontifex, sanctus,  
innocens, impollutus, segre-  
gatus à peccatoribus, & ex-  
celsior coelis factus.

*R. breve.* Magna est gloria  
ejus, \* In salutari tuo. Ma-  
gna est.

V. Gloriam & magnum de-  
corem impones super eum.  
In salutari tuo.

Gloria Patri. Magna est.

V. Justus ut palma florebit.  
R. Sicut Cedrus Libani mul-  
tiplicabitur.

*In secundis Vesperis Capi-  
tulum, & Hymnus ut in pri-  
mis.*

*Ad Magnificat, Antiph.*

Vir inclyte Stanislae, vita,  
signis, passione plebem,  
tuam Pastor bone, fove be-  
nedictione, gubernata prote-  
ctione, salva sancta inter-  
cessione.

**DIE XXVIII SEPT.**

*In festo S. Wenceslai Mart.*

*P. R. P. Duplex majus. Cra-  
covia autem in Ecclesia Ca-  
thedrally Duplex i. Classis  
cum Octava.*

*In Diocesi Premisliensi Du-  
plex ii. Classis sine Octava, ali-  
bi per Poloniam Duplex min.*

*Omnia de Communi unius  
Martyris prater sequentia.*

*Oratio.*

**D**EUS, qui beati Wenceslai  
nobilitatem in meliorem  
mutasti dignitatem, & eum  
per martyrii palmam ad cœ-  
lestem perduxisti gloriam:  
ejus precibus nos, quæsumus,  
ab omni adversitate libera,  
& æternæ beatitudinis conce-  
de perfrui gloria. Per Do-  
minum.

*Extra Cathedralem Eccl.  
Cracov. fit Commem S. Sta-  
nislai Episc. & Mart.*

*Antiph.* Vir inclyte Sta-  
nislæ, vita, signis, passione,  
plebem tuam pastor bone  
fove

fove benedictione, gubernata protectione, salva sanctâ in tercessionem

V. Justus ut palma florebit.

R. Sicut cedrus Libani multiplicabitur.

Oratio. Deus, pro cujus honore. *ut supra.*

*In primo Nocturno. Lektionen, Fratres debitores sumus. de Communi plurim. Mart. cum R. de uno Mart.*

*In secundo Nocturno, extra Cathedr. Eccles. Cracov.*

*Lectio iv.*

**W**enceslaus Dux & Martyr Boëmiæ, patre Christiano Borziwoio, Principe Boëmiæ, & matre Drahomira gentili natus, ad educandum aviæ fæminæ sanctæ Ludimilæ à patre traditus, ab ea sic in omni pietate & vitæ integritate institutus est, ut primam virginitatem, quam ex utero matris suæ exportavit, perpetuo conservaret, cujus custodes alias amplissimas virtutes, charitatem, humilitatem, modestiam, verecundiam, & orandi perseverantiam, adjunxerat. Cui eidem aviæ, tanti viri alumnae, pater ejus moriens, omnem gubernationem regni commisit: cum Wenceslaus adolescens ad Reipublicæ regimen nondum maturus esset, mater autem impiè & crudeliter cum juniore filio

Boleslao viveret, ac infideles ambo more infidelium dominarentur. Offensa ea re Drahomira furere cœpit, ac vitæ Ludmilæ insidiari, quam ad extremum, submissis duobus sicariis magis scelere quam genere nobilibus, per summum scelus interfecit: ipsa summa rerum cum improbo filio potita est, gravis suis, molesta omnibus, Christianis inimicissima.

R. Honestum fecit.

*Lectio v.*

**C**ujus injustum & potentem dominatum, dum amplius Boëmi perferre non possunt, Pragæ Wenceslaum jam adultum juvenem in regem eligunt, illique habenas imperii committunt. Quod ille pius jejuniis, orationibus, cilicio ac aliis piis operibus rexit, quam imperio, illud planè occinens: Septies in die laudem dixi tibi super judicia justitiæ tuæ. Fuit hic in eo ardor orationis, quod summa hyeme nonnunquam ex pedibus ejus sanguis effluerit. ac ex vestigiis ipsius aliqui incaluerint. Aggressus hunc, regnumque ejus erat Dux curimensis Radislaus, cumque multa frustra tentasset, ad extremum ipsum ad singulare certamen provocavit. Suscepit magno animo conditionem magnus Princeps, vita sua suorum

salus

salutem repræsentare volens: verum Deus ipse, crudelis pugne diremptor fuit. Dum enim vir sanctus prælium ingressurus equum conscendit, adversarius ejus animadvertit illi ab Angelo hastam porrigi, se verò ea voce mone-ri: Ne feri. Qua re perterritus ex equo defiliit, ad pedes Sancti, veniam petens procidit: quem ad parcendum, quàm ad ulciscendum paratiorem invenit.

R. Desiderium.

*Lectio vi.*

**I**nvidit & genti & Principi-  
cam felicitatem generis hu-  
mani hostis: impiam ma-  
trem, alteram Attaliam, in  
furias vertit. Hæc filium su-  
um fratris Wenceslai malè  
germanum stimulat, de regno  
cogitet, fratrem de medio  
tollat. Suscipit malum se-  
men improbus ager: in cæ-  
dem fratris totus effunditur,  
quem ad funestum convivium  
vocat. Non recusat justus  
Abel, nec inscius, nec invi-  
tus: Sacramentis se præmu-  
nit. Post fraternam & ho-  
spitalem natalis filii mensam,  
proxima nocte ante templum  
orans cæditur: fit Deo gra-  
tissima hostia. Nec diu ta-  
men exultavit scelus in victo-  
ria; nam & matrem non ita  
multum post in arce Pragensi  
terra absorpsit vivam, &  
filius non diu gessit princi-

*Pars Autumn.*

patum fratris sui sanguine  
comparatum. Alii per dæ-  
mones exagitati, umbram  
suam timentes sese præcipites  
in flumen dederunt, submer-  
sique sunt. Sanguis quidem  
justi Abel, qui hora passio-  
nis multus fuit effusus, ad  
Deum sanctè clamans multis  
& iteratis conatibus non po-  
tuit aboleri.

R. Stola jucunditatis.

*In Cathedrali autem Cracov.*

*Lectio iv.*

**W**enceslaus Dux & martyr  
Boëmiæ, patre Christiano  
Borzivoio principe Boë-  
miæ, & matre Drahomira  
gentili natus, ad educandum  
aviæ faminae honestissimæ  
Ludimilæ à patre traditus, ab  
ea sic in omni pietate & vitæ  
integritate institutus est, ut  
eam virginitatem, quam ex  
utero matris suæ exportavit,  
perpetuò conservaret, cui  
custodes, alias amplissimas  
virtutes, charitatem, humi-  
litem, modestiam, vere-  
cundiam, orandique perse-  
verantiam, adjunxerat.

R. Honestum fecit.

*Lectio v.*

**E**idem aviæ, tanti viri alum-  
næ, pater ejus moriens  
omnem gubernationem reg-  
ni commiserat: cùm Wen-  
ceslaus adolescens ad reipu-  
blicæ regimen, propter æta-  
tem, nondum maturus esset;  
mater autem impiè & crudeli-

B

ter

ter cum juniore filio Boleslao viveret ac infideles ambo more infidelium dominarentur. R. Desiderium.

*Lectio vi.*

**O**ffensa ea re Drahomira furere coepit, ac vitæ Ludimilæ insidiari. Quam ad extremum, submissis duobus sicariis magis scelere quam genere nobilibus, per summum scelus interfecit, ipsa summa rerum cum improbo filio potita est, gravis suis, molesta omnibus, Christianis inimicissima.

R. Stola jucunditatis.

*In tertio Nocturno, Homilia in Evangelium. Si quis vult post me venire. Quæ per totam Octavam, quando Offic. fit de sancto Wenceslao, repetitur.*

*Vesperæ secundæ in Cathedrali Ecclesia Cracoviensi dicuntur de S. Wenceslao cum commem. S. Michaelis Archangeli, alibi autem Vesperæ fiunt de Dedicatione S. Michaelis cum commem. S. Wenceslai.*

**DIE XXIX. SEPT.**

*In Festo Dedicationis S. Michaelis Archangeli non fit commem. octava S. Wenceslai in Laudibus, nec in ii. Vesp.*

**DIE XXX SEPT.**

*In Festo S. Hieronymi Conf. & Eccl. Doctoris fit in Laudibus commem. octava S. Wenceslai.*

*In ii. Vesp. fit commem. Ss.*

*Cosma & Damiani MM. octava S. Wenceslai, & S. Remigii Episc. & Conf.*

**FESTA OCTOBRIS.**

**DIE I. OCT.**

*In Festo Ss. Cosma & Damiani MM. Semidupl.*

*Omnia ut in Breviario die XXVII. Sept. cum IX. Lectione de S. Remigio Ep. & Conf. In laudibus & ii. Vesp. fit commem. octava S. Wenceslai, & in laud. etiam S. Remigii.*

**DIE II. OCTOB.**

*Quinta die infra octavam S. Wenceslai.*

*Lectiones primi Nocturni de Scriptura occurrente.*

*In secundo Nocturno.*

*Lectio iv.*

**I**njustum & potentem Dominatum Drahomiræ, & Boleslai dum amplius Boemi perferre non possunt, Pragæ Wenceslaum jam adultum juvenem in Regem eligunt, illique habenas imperii committunt. Quod ille plus jejuniis, orationibus, cilicio, ac aliis piis operibus rexit, quam imperio, illud planè occinens; septies in die laudem dixi tibi, super judicia justitiæ tuæ.

R. Honestum fecit.

*Lectio v.*

**T**anto fuit ardore orationis, ut summa hyeme nonnunquam ex pedibus ejus sanguis efflueret, ac ex vestigiis ipsius plures incalescerem.

rent. Aggressus eum regnumque ipsius Dux Curimensis Radislaus, cum multa frustra tentasset, ad singulare certamen provocavit. Suscepit magno animo conditionem magnus Princeps, vita sua suorum salutem representare volens: verum Deus ipse crudelis pugnae diremptor fuit

R. Desiderium animæ.

*Lectio vi.*

**D**Ilm enim Vir sanctus prælium ingressurus equum conscendit, advertarius ejus animadvertit, illi ab Angelo hastam porrigi, se verò ea voce moneri: Ne ferì. Quare perterritus ex equo desiliit, ad pedes sancti veniam petens, procidit, quem ad parcendum, quàm ad ulciscendum paratiorem invenit.

R. Stola jucunditatis.

*In tertio Nocturno, Homilia in Evangelium, ut in ipso die.*

**DIE III. OCTOBRIS.**

*Sexta die infra octavam S. Wenceslai.*

*Lectioes primi Nocturni de Scriptura occurrente.*

*In secundo Nocturno.*

*Lectio iv*

**N**Eque semel tamen, ut dictum est, Wenceslao Angeli vitam Angelicam ducenti testimonium virtutis & sanctitatis reddiderunt, sed jam longè antè adolescenti in

in aula Ottonis Imperatoris commoranti, qui illum à superbo mundo despectum, cruce aurea divinitus signatum, in conspectu Imperatoris produxerunt. Quare Imperator commotus, & in confessum suum eum recepit, & brachio S. Viti donavit: in cujus honorem ille post amplissimum templum Pragæ extruxit.

R. Honestum fecit.

*Lectio v.*

**I**Nvidit & genti & Principi eam felicitatem generis humani hostis: impiam Matrem, alteram Athaliam, in furias vertit. Hæc Filium, fratris Wenceslai malè germanum stimulat, de regno cogitet, fratrem de medio tollat. Suscipit malum semen improbus ager: in cædem fratris totus diffunditur, quem ad funestum convivium vocat.

R. Desiderium animæ ejus.

*Lectio vi.*

**N**ON recusat justus Abel, nec inscius, nec invitus: Sacramentis se præmunit. Post fraternam & hospitalem mensam, proxima nocte ante templum orans cæditur: fit Deo gratissima hostia. Nec diu tamen exultavit cælus in victoria; nam & matrem non ita multum post in arce Pragensi terra absorpsit vivam, & filius non diu

gessit principatum, fratris sui sanguine comparatum.

R. Stola Jucunditatis.

*In tertio Nocturno, Homilia in Evangel. ut in ipso die.*

DIE IV. OCTOBRIS.

*In festo S. Francisci Seraphici fit commem. octava S. Wenceslai in laudibus.*

*In Vesp. fit à capitulo de die Octava S. Wenceslai cum commem. S. Francisci, & SS. Placidi & Socior. MM.*

DIE V. OCTOBRIS.

*Octava S. Wenceslai Martyris. Dupl. minus.*

*Lectioes primi Nocturni de Scriptura occurrente.*

*In secundo Nocturno.*

*Lectio iv.*

**N**ON effugerunt justam DEI vindictam socii & administri tanti facinoris. Alii per dæmones exagitati, umbram suam timentes, sese præcipites in flumen dederunt, submersique sunt: alii verò mente capti fugam inierunt, & nusquam amplius comparuerunt: alii autem variis & gravibus morbis percussi, ut hominibus essent exossi, vitam miserabiliter finierunt. Sanguis quidem justi Abel, qui hora passionis multus fuit effusus, ad Deum sanctè clamans, multis & iteratis conatibus non potuit aboleri. R. Honest.

*Lectio v.*

**C**UM enim à ministris in

parietibus & pavimento Ecclesiæ ablutus esset, & penitus deterfus, postridie à fidelibus Ecclesiam intrantibus multò magis visus est apparere. Idem sæpiùs ac vehementius magna vi & conatu deterfus, magis vivus apparuit: quantoque crebriùs detergebatur, tantò magis parietes cruentati aspiciebantur. Ministri itaque stupentes super hoc miraculo sanguinem deinceps abluere cessaverunt. Sicque sanguis innocenter effusus, in testimonium tanti parricidii, indelctus ibidem permansit.

R. Desiderium animæ.

*Lectio vi.*

**E**T domi quidem hæc subobscurius ob metum tyranni gerebantur: at, qui habitat in cœlis, non passus est hæc obscura fieri, verùm ad ultimas usque insulas marisque extrema perferri. Regi Daniæ immittit visionem, eum de crudeli cæde Regis sancti facit certiozem: in ejus honorem & memoriam templum amplissimum sibi ædificari jubet, ut quem domestica impietas oppresserat, cum externa pietas illustraret, ornaretque.

R. Stola jucunditatis.

*In tertio Nocturno Homilia in Evang. ut in ipso die.*

DIE X. OCTOBRIS.

IN FESTO GRATIARUM.

*Actio-*



*Actionis pro victoria ex  
Turcis anno 1621. eod.*

*Die obtenta.*

*Duplex majus.*

*Ad Vesp. Antiph. Cante-  
mus Domino, cum reliq. de  
Laudibus. Psalm. Dixit Do-  
minus cum reliq. de Domini-  
ca, & loco ultimi Psal. Lau-  
date Dominum omnes gen-  
tes.*

*Capitulum 2. Cor. 1.*

**B**enedictus DEUS & Pater  
Domini nostri IESU Chri-  
sti, Pater misericordiarum,  
& Deus totius consolationis,  
qui consolatur nos in omni  
tribulatione nostra.

*Hymnus.*

**S**uperne regum Rex bone,  
Fons pacis & victoriae,  
Deus Pater sperantium,  
Ultor superbientium.  
**A**d iussa cujus iurgidae  
Maris procellae subsident:  
Iras leones exuunt,  
Sol stat stupens, nec se  
movens.  
**Q**uo fulgurante desuper  
Gentes feroces expavent,  
Hostes tremunt, mali fre-  
munt,  
Boni triumphant gaudio.  
**T**u Barbaros Osmanicos  
Apros fugas è vinea,  
Poloniae Regnum tuae  
A clade dira vindicans.  
**E**rgo tuo Celsissimo  
Sit nomini Laus, Gloria,  
Qui Trinus ac unus Deus,  
Per saecula vivis omnia, Am.

**Ps.** Sancti per fidem fortes  
facti sunt in bello.

**R.** Castra verterunt extero-  
rum.

*Ad Magnificat, Antiph.*

Benedictus Dominus Deus  
noster, qui docet manus no-  
stras ad praelium, & digitos  
nostros ad bellum.

*Oratio.*

**D**EUS, qui in summis Regni  
nostri periculis antiqua  
brachii tui miracula renova-  
sti: suscipe gratiarum actio-  
nes exultantium populorum,  
& quibus tanti gaudii causam  
praestitisti, perpetuum fru-  
ctum concede laetitiae. Per  
Dominum.

*Ad Matutinum, Invitator.*

Regem qui redimit de inte-  
ritu vitam, \* Venite adore-  
mus. *Psalmus.* Venite exul-  
temus. *Hymnus.* Superne  
Regum. *ut supra in primis  
Vesperis.*

*In primo Nocturno, Antiph.*

Fortitudo mea, & laus  
mea Dominus, & factus est  
mihi in salutem.

*Psalmus 8.*

**D**omine Dominus noster,  
\* quàm admirabile est  
nomen tuum in universa  
terra!

Quoniam elevata est mag-  
nificencia tua \* super coelos.

Ex ore infantium & la-  
ctentium perfecisti laudem  
propter inimicos tuos \* ut de-  
struas inimicum & ultorem.

B ;

QUO-

Quoniam video cœlos tuos, opera digitorum tuorum \* lunam & stellas, quæ tu fundâsti.

Quid est homo, quod memor es ejus? \* aut filius hominis, quoniam visitas eum?

Minuisti eum paulò minus ab Angelis, gloria & honore coronâsti eum: \* & constituisti eum super opera manuum tuarum.

Omnia subjecisti sub pedibus ejus: \* oves & boves universas, insuper & pecora campi.

Volucres cœli & pisces maris, \* qui perambulant semitas maris.

Domine Dominus noster, \* quam admirabile est nomen tuum in universa terra!  
*Antiph.* Fortitudo mea, & laus mea Dominus, & factus est mihi in salutem.

*Antiph.* Dignus es Domine accipere gloriam, honorem & virtutem.

*Psalmus 18.*

Cœli enarrant gloriam Dei, \* & opera manuum ejus annuntiat firmamentum.

Dies diei eruat verbum, \* & nox nocti indicat scientiam.

Non sunt loquelæ, neque sermones, \* quorum non audiantur voces eorum.

In omnem terram exivit sonus eorum: \* & in fines orbis terræ verba eorum.

In sole posuit tabernaculum suum: \* & ipse tamquam sponsus procedens de thalamo suo.

Exultavit ut gigas ad currendam viam, \* à summo cœlo egressio ejus.

Et occursum ejus usque ad summum ejus, \* nec est qui se abscondat à calore ejus.

Lex Domini immaculata, convertens animas: \* testimonium Domini fidele, sapientiam præstans parvulis.

Justitiæ Domini rectæ, lætificantes corda: \* præceptum Domini lucidum, illuminans oculos.

Timor Domini sanctus, permanens in sæculum sæculi: \* judicia Domini vera, justificata in semetipsa.

Desiderabilia super aurum & lapidem pretiosum multum: \* & dulciora super mel & favum.

Etenim servus tuus custodit ea, \* in custodiendis illis retributio multa.

Delicta quis intelligit? ab occultis meis munda me: \* & ab alienis parce servo tuo.

Si mei non fuerint dominati, tunc immaculatus ero: \* & emundabor à delicto maximo.

Et erunt ut complacent eloquia oris mei: \* & meditatio cordis mei in conspectu tuo semper.

Do-

Domine adjutor meus,  
\* & redemptor meus.

*Antiph.* Dignus es Domine accipere gloriam, honorem, & virtutem.

*Antiph.* Tua est, Domine, magnificentia, & potentia, & gloria, atque victoria.

*Psalmus 23.*

**D**omini est terra, & plenitudo ejus; \* orbis terrarum, & universi qui habitant in eo.

Quia ipse super maria fundavit eum; \* & super flumina præparavit eum.

Quis ascendet in montem Domini? \* aut quis stabit in loco sancto ejus?

Innocens manibus, & mundo corde, qui non accipit in vano animam suam, \* nec juravit in dolo proximo suo.

Hic accipiet benedictionem à Domino: \* & misericordiam à Deo salutari suo.

Hæc est generatio quærentium eum, \* quærentium faciem Dei Jacob.

Attollite portas, principes, vestras, & elevamini portæ æternales: \* & introibit Rex gloriæ.

Quis est iste Rex gloriæ? \* Dominus fortis & potens, Dominus potens in prælio.

Attollite portas, principes, vestras, & elevamini portæ æternales: \* & introibit Rex gloriæ.

Quis est iste Rex gloriæ: Dominus virtutum ipse est Rex gloriæ.

*Antiph.* Tua est, Domine, magnificentia, & potentia, & gloria, atque victoria.

¶ Benedic anima mea Domino.

R. Et omnia, quæ intra me sunt, nomini sancto ejus.

De libro secundo Machabæorum.

*Lectio i. Cap. 15.*

**E**T Nicanor quidem cum summa superbia erectus; cogitaverat commune trophæum statuere de Juda. Machabæus autem semper confidebat cum omni spe auxilium sibi à Deo affuturum; & hortabatur suos, ne formidarent ad adventum nationum, sed in mente haberent adjutoria sibi facta de cælo, & nunc sperarent ab omnipotente sibi affuturam victoriam. Et allocutus eos de Lege & Prophetis, admonens etiam certamina, quæ fecerant prius, promptiores constituit eos, & ita animis eorum erectis, simul ostendebat Gentium fallaciam, & juramentorum prævaricationem. Singulos autem eorum armavit non clypei & hastæ munitione, sed sermonibus optimis & exhortationibus. Exhortati itaque Judæ sermonibus bonis valde, de quibus extolli pos-

ses

set impetus, & animi juvenum confortari, statuerunt dimicare & configere fortiter, ut virtus de negotiis judicaret.

R. Facile est concludi multos in manu paucorum & non est differentia in conspectu DEI cœli \* Liberare in multis & in paucis.

Vers. Non in multitudine exercitus victoria belli, sed de cœlo fortitudo est. Liberare.

*Lectio ii.*

ET cùm jam omnes sperarent iudicium futurum, hostesque adessent, atque exercitus esset ordinatus, bestiarum equitesque opportuno in loco compositi, considerans Machabæus adventum multitudinis, & apparatus varium armorum, & ferocitatem bestiarum, extendens manus in cœlum, prodigia facientem Dominum invocavit, qui non secundum armorum potentiam, sed prout ipsi placet, dat dignis victoriam. Dixit autem invocans hoc modo: Tu Domine, qui misisti Angelum tuum sub Ezechia Rege Juda, & interfecisti de castris Sennacherib centum octoginta quinque millia: & nunc Dominator cœlorum mitte Angelum tuum bonum ante nos in timore & tremore magnitudinis brachii tui, ut

metuant qui cum blasphemia veniunt adversus sanctum populum tuum.

R. Quis similis tui in fortibus Domine, quis similis tui? Magnificus in sanctitate? \* Terribilis atque laudabilis & faciens mirabilia.

Vers. Dux fuisti in misericordia populo, quem redemisti. Terribilis.

*Lectio iii.*

Nicanor autem, & qui cum ipso erant, cum tubis & canticis admovebant. Judas verò, & qui cum eo erant, invocato Deo, per orationes congressi sunt, manu quidem pugnantem, sed Dominum cordibus orantes, prostraverunt non minus triginta quinque millia, præsentia Dei magnificè delectati. Cùmque cessassent, & cum gaudio redirent, cognoverunt Nicanorem fuisse cum armis suis. Facto itaque clamore & perturbatione excitata, patria voce omnipotentem Dominum benedicebant. Itaque omnes communi consilio decreverunt, nullo modo diem istum absque celebritate præterire.

R. Procidebant viginti quatuor seniores ante sedem in throno, & adorabant viventem in sæcula sæculorum: \* Et mittebant coronas suas ante thronum.

Vers. Dignus es Domine Deus noster

noster accipere gloriam, honorem, & virtutem. Et mittebant.

Gloria. Et mittebant.

*In ii. Nocturno, Antiph.*

Adonai Domine, magnus es tu, & præclarus in virtute tua, & quem superare nemo potest.

*Psalmus 46.*

**O**Mnes gentes plaudite manibus: \* jubilate Deo in voce exultationis.

Quoniam Dominus excelsus, terribilis, \* Rex magnus super omnem terram.

Subjecit populos nobis: \* & gentes sub pedibus nostris.

Elegit nobis hæreditatem suam, \* speciem Jacob, quam dilexit.

Ascendit Deus in jubilo: \* & Dominus in voce tubæ.

Pfallite Deo nostro: psallite: \* psallite Regi nostro, psallite.

Quoniam Rex omnis terræ Deus: \* psallite sapienter.

Regnabit Deus super gentes: \* Deus sedet super sedem sanctam suam.

Principes populorum congregati sunt cum Deo Abraham: \* quoniam dii fortes terræ, vehementer elevati sunt.

*Antiph.* Adonai Domine, magnus es tu, & præclarus in virtute tua, & quem superare nemo potest.

*Antiph.* Non in multitu-

*Pars Autum,*

dine exercitus victoria belli, sed de cælo fortitudo est.

*Psalmus 47*

**M**agnus Dominus, & laudabilis nimis \* in civitate Dei nostri, in monte sancto ejus.

Fundatur exultatione universæ terræ mons Sion, \* latera Aquilonis, civitas Regis magni.

Deus in domibus ejus cognoscetur, \* cum suscipiet eam.

Quoniam ecce reges terræ congregati sunt, \* conveniunt in unum.

Ipsi videntes sic admirati sunt, conturbati sunt, commoti sunt: \* tremor apprehendit eos.

Ibi dolores ut parturientis, \* in spiritu vehementi conteres naves Tharsis.

Sicut audivimus, sic vidimus in civitate Domini virtutum, in civitate Dei nostri: \* Deus fundavit eam in æternum.

Suscepimus Deus misericordiam tuam, \* in medio templi tui.

Secundum nomen tuum Deus, sic & laus tua in fines terræ: \* justitia plena est dextera tua.

Lætetur mons Sion, & exultent filiæ Judæ, \* propter judicia tua Domine.

Circumdante Sion, & completeimini eam: \* narrate in turribus ejus.

C

Ponite

Ponite corda vestra in virtute ejus : \* & distribuite domos ejus, ut enarretis in progenie altera.

Quoniam hic est Deus, Deus noster in æternum, & in sæculum sæculi : \* ipse reget nos in sæcula.

*Antiph.* Non in multitudine exercitus victoria belli sed de cælo fortitudo est.

*Antiph.* Vir obediens loquetur victoriam, vir impius procaciter obfirmat vulturnum suum.

*Psalmus 71.*

**D**EUS judicium tuum regida : \* & justitiam tuam filio regis ;

Judicare populum tuum in justitia, \* & pauperes tuos in judicio.

Suscipiant montes pacem populo, \* & colles justitiam.

Judicabit pauperes populi, & salvos faciet filios pauperum, \* & humiliabit calumniatorem.

Et permanebit cum sole, & ante lunam, \* in generatione, & generationem.

Descendet sicut pluvia in vellus : \* & sicut stillicidia stillantia super terram.

Orietur in diebus ejus justitia, & abundantia pacis, \* donec auferatur luna,

Et dominabitur à mari usque ad mare : \* & à flumine usque ad terminos orbis terrarum.

Coram illo procident Æthiopes : \* & inimici ejus terram lingeat.

Reges Tharsis, & insulæ munera offerent : \* Reges Arabum & Saba dona adducent.

Et adorabunt eum omnes reges terræ : \* omnes gentes servient ei.

Quia liberabit pauperem à potente : \* & pauperem, cui non erat adjutor.

Parcet pauperi & inopi : \* & animas pauperum salvas faciet.

Ex usuris & iniquitate redimet animas eorum : \* & honorabile nomen eorum coram illo.

Et vivet, & dabitur ei de auro Arabiæ, & adorabunt de ipso semper : \* tota die benedicent ei.

Et erit firmamentum in terra in summis montium, superextolletur super Libanum fructus ejus : \* & florebut de civitate sicut fœnum terræ.

Sic nomen ejus benedictum in sæcula : \* ante solem permanet nomen ejus.

Et benedicentur in ipso omnes tribus terræ : \* omnes gentes magnificabunt eum.

Benedictus Dominus Deus Israel : \* qui facit mirabilia solus.

Et benedictum nomen majestatis ejus in æternum : \* &

\* & replebitur maiestate ejus  
omnis terra : fiat fiat.

*Ant. ph.* Vir obediens lo-  
quetur victoriam, vir impius  
procaciter obfirmat vultum  
suum

V. Iste Deus meus, &  
glorificabo eum.

R. Deus patris mei, & ex-  
altabo eum.

*Lectio iv.*

Sigismundo tertio Rege,  
Osmanus Turcarum Ty-  
rannus, immensis ex Europa,  
Asia, Africa contractis co-  
piis, Tartarorum etiam Prin-  
cipe, qui longè maiorem ju-  
sto ducebat exercitum, in  
belli societatem accito, Rei-  
publicæ Christianæ vastitatem  
atque excidium minitans, in  
Poloniam movit. Tanti ad-  
ventantis hostis fama mini-  
mè consternatus Sigismun-  
dus, cum sciret, non in mul-  
titudine exercitus victoriam,  
sed de coelo esse fortitudi-  
nem, ope Divina suppliciter  
inplorata, Dei Genitrice,  
Regniq; Patronis concilia-  
tis, fortiter constantèrque  
bellum suscepit.

R. Tu venis ad me cum  
gladio, & clypeo : \* Ego  
autem venio ad te in nomine  
Domini exercituum.

V. Dabit te Dominus in  
manu mea, & percutiam  
te, & auferam caput tuum.  
Ego autem.

*Lectio v.*

PRæmissus ad fines Poloniae  
non maximo numero ex-  
ercitus, qui hostem sustine-  
ret, dum Sigismundus om-  
nem Regni nobilitatem tra-  
hens adveniret. Castra in ho-  
stili ditone ad Chocimum  
posita, ut bellum potius in-  
ferre, quàm illatum repelle-  
re Poloni viderentur. De-  
cies, & quidem comite sem-  
per victoria, acie pugnatum,  
toties à castrorum oppugna-  
tione ingenti cum clade re-  
jectus hostis, toties erupere  
nostri feliciter, Turcarum  
stationes prosperè toties in-  
cursavere, ut Dominum ex-  
ercituum à nobis stare aper-  
tissimè pateret.

R. Persequeretur unus mil-  
le : \* Et duo fugabant decem  
millia.

V. Nonne ideò quia Deus  
suus vendidit eos, & Domi-  
nus conclusit illos. Et duo fu-  
gabant.

*Lectio vi.*

FRacta tandem tot cladibus  
infectis Osmani contu-  
macia, cum se frustra ad-  
versus Deum pugnare intel-  
lexisset, ad ipsos Poloniae  
fines eodem in loco mensum  
integrum, eoq; amplius  
hæsisset inglorius, sexaginta  
militum millia caesa deside-  
raret, maiorem longè nu-  
merum belli incommoda ab-  
sumpsissent, stratos suorum  
cadaveribus undique cam-

pos cerneret, ipse jam Sigismundus cum Poloniae flore majoribus copiis immineret, qui bellum intulerat, pacem expetiit, acceptisque conditionibus sexto idus Octobris prior castra movit, ex appetita armis Polonia nihil omnino præter ignominiam & dedecus reportaturus. Is dies, in tanti beneficii memoriam, ut Deo facer, festusque Poloniae ac solemnibus perpetuo imposteriorum foret, Sigismundus ipse Rex, Regni que Annistes à Gregorio quintodecimo impetravere: mox Vladislao, qui parenti successerat, & in castris belli tempore fuerat, ut proprio ac peculiari officio ad gratias agendas accommodato horas Canonicas eodem die Polonia persolveret, Urbanus octavus indulgit.

R. Dextra tua Domine magnificata est in fortitudine: \* Dextera tua Domine percussit inimicum.

V. In multitudine gloriae tuae deposuisti adversarios tuos. Dextera tua.

Gloria Patri. Dextera tua.

In tertio Nocturno,

Antiphona i.

Ædificavit Moyses altare, & vocavit nomen ejus, Dominus exaltatio mea.

Psalm. Cantate i. Dominus regnavit. Cantate ii.

ex tertio Noct. de Communi Virgin.

Antiphona ii. Dominus conterens bella, Dominus nomen est illi.

Antiphona iii. Dominum formidabunt adversarii ejus, & super ipsos in caelis tonabit.

V. Benedic anima mea Domino.

R. Domine Deus meus, magnificatus es vehementer.

Homilia in Evang. Cum audieritis prælia. de Communi plurim. Martyrum.

R. vii. Reddidit Dominus justis mercedem laborum suorum, & deduxit eos in via mirabili: \* Et fuit illis in velamento diei, & in luce stellarum per noctem.

V. Transtulit eos per mare rubrum, & transvexit eos per aquam nimiam. Et fuit illis.

R. viii. Justi tulerunt spolia impiorum, & decantaverunt, Domine, nomen sanctum tuum. \* Et victricem manum tuam laudaverunt pariter.

V. Sapientia aperuit os mutorum, & linguas infantium fecit disertas. Et victricem. Gloria Patri. Et victricem.

Ad Laudes & per Horas.

Antiphona.

Cantemus Domino: gloriosè enim magnificatus est, equum



equum & ascensorem dejecit  
in mare. *Psalm.* Dominus  
regnavit. *cum reliq. de Do-*  
*minica.* *Antiph.* Dexter  
tua Domine, magnificata est  
in fortitudine: dextera tua  
percussit inimicum.

*Antiph.* Arcus fortium su-  
peratus est, & infirmi ac-  
cincti sunt robore.

*Antiph.* Justi decantave-  
runt, Domine, nomen san-  
ctum tuum, & victricem ma-  
num tuam laudaverunt pa-  
riter.

*Antiph.* Ego autem in  
Domino gaudebo, & exul-  
tabo in DEO JESU meo.

*Capitulum 2. Cor. 1.*

Benedictus DEUS & pater  
Domini nostri JESU Christi,  
Pater misericordiarum, &  
DEUS totius consolationis,  
qui consolatur nos in omni  
tribulatione nostra.

*Hymnus:*

REX magne, Rex altissime,  
Virtutis è throno tuæ  
Æternitatem patiens,  
Et regna mundi transfe-  
rens.

Quàm sunt inaccessæ tui  
Profunditates consilii!  
Ut est procul cælum solo,  
Arcana sic procul tua.  
Thraxen furoris ferrea  
Qui virga Divini fuit,  
Nunc ipse pœnas acriter  
Jussu tuo demens luit.  
Sic corda, quando cæteris  
Cædem superbè detonant

Caduntur, & casu suo  
DEI timorem prædicant.  
Patri DEO sit gloria.  
Ejusque soli Filio  
Cum Spiritu, qui perpeti  
Mundum regit custodia.  
Amen.

V. Non est similis tui in diis  
Domine.

R. Et non est secundum ope-  
ra tua.

*Ad Benedictus, Antiph.*

Benedicimus Deum cœli,  
& coram omnibus viventi-  
bus confitebimur ei, quia fe-  
cit nobiscum misericordiam  
suam.

*Oratio.*

DEUS, qui in summis Re-  
gni nostri periculis an-  
tiqua brachii tui miracula re-  
novasti: suscipe gratiarum  
actiones exultantium popu-  
lorum; & quibus tanti gau-  
dii causam præstitisti, per-  
petuum fructum concede  
latitiæ. Per Dominum.

*Ad Tertiam, Capitulum.*

Benedictus DEUS. *ut supra.*

R. *br.* Justi decantaverunt,  
Domine, \* Nomen sanctum  
tuum. Justi V. Victricem  
manum tuam laudaverunt  
pariter. Nomen. Gloria.  
Justi. V. Adorabant sancti  
viventem in sæcula. R. Et  
mittebant coronas suas ante  
thronum Dei.

*Ad Sextam.*

*Capitulum. Sap. 12.*

Quam bonus & suavis est,  
C 3 Do 3

Domine Spiritus tuus in omnibus! Ideoque eos qui errant partibus, corripis, & de quibus peccant, admones & alloqueris: ut relicta maliâ, credant in te Domine

R. *br.* Adorabant sancti \* Viventem in sæcula. Adorabant. V. Et mittebant coronas tuas ante thronum Dei. Viventem. Gloria. Adorabant. V. Dignus es Domine Deus noster. R. Accipere gloriam, honorem, & Virtutem.

*Ad Nonam.*

*Capitulum Sap. 12. cap.*

**T**u autem Dominator virtutis, cum tranquillitate iudicas, & cum magna reverentia disponis nos: subest enim tibi, cum volueris, posse.

R. *br.* Dignus es \* Domine Deus noster. Dignus. V. Accipere gloriam, honorem, & virtutem. Domine. Gloria, Dignus. V. Ab insurgentibus in me exaltabis me. R. A viro iniquo eripies me.

*In secundis Vesperis.*

*Omnia ut in primis, excepta Antiphona ad Magn. s. it.*

Domine Rex omnipotens, in ditione tua cuncta sunt posita, & non est qui possit resistere tuæ voluntati, si decreveris salvare Israël.

Eadem DIE X. OCTOBRIS.  
*vel aliâ similiter non impeditâ*

SS. GEREONIS ET SOC.  
Martyrum.

*Dupl. minus.*

*Pro Archidiæc. Gnesnensi.*

*Omnia de Communi plurim. Martyrum præter sequentia.*

*Oratio.*

**D**EUS, qui hunc diem Martyrum tuorum Gereonis & Sociorum eius passione consecrasti: præstare quæsumus; ut eorum suffragia apud te sentiamus in cœlis, quorum hic solemnia pio amore veneramur in terris. Per Dominum.

DIE XV. OCTOBRIS.

In festo S. Hedwigis Viduæ.

*P. R. P. Duplex major.*

*Ad Vesp. Antiph. Dum esset Rex. cum reliquis ut in Communi nec Virg. nec Mart.*

*Oratio.*

**D**EUS gratiæ dator & gloriæ tuæ nobis propitius sinum pietatis aperi, & præstare, ut qui manentem civitatem hic non habemus, ad futuram, quam quærimus, beatæ Hedvigis interveniente suffragio perducamur. Per Dominum.

*In primo Nocturno. Lektionen, Mulierem fortem quis inveniet. de Communi nec Virg. nec Martyr.*

*In secundo Noct. Lectio iv.*

**H**edvigis Bertholdi Marchionis Meraniæ Comitiss Tirolensis & Agnetis filia, sanctæ

sanctæ Elisabethæ matertera, duodecimo anno Henrico Longobardo Principi Poloniæ & Boemiæ in matrimonium data; illud semper honorabile & immaculatum custodivit, nullum jejunium aut diem festum judicans, quem castitatis merito non condidisset. Nihilominus in summa castitate & continentia facta est sicut vitis abundans in lateribus domus suæ, & filii ejus sicut novellæ in circuitu mensæ. Filios enim tres, totidemque filias viro suo protulit. Ex quibus Henricus fortia pro religione Christiana aggressus, & tamquam alter Judas Machabæus, castra Dei contra Tartaros protegens, martyrii palmam promeruit. Filia Gertrudis virgo perpetua permansit. Fructu matrimonio Hedviggis quæsito, redditisque novialium fructibus, feriari ab opere connubiali incipit: eadem marito persuadet. Fit spiritualis desponsatio in manu Pontificis, vivitur inter sponfos Angelica vita per annos viginti octo, non coram hominibus tantum, sed etiam coram Deo.

R. Propter veritatem.

*Lectio v.*

**P**arat deinde Hedviggis sedem futuræ castitati, amplissimum Trebnicense monasterium extruit, filiam Ger-

trudem prius illuc præmittit, magnos greges virginum sanctarum colligit, ipsa demum consequitur. In oratione diurna atque nocturna nudis etiam media hieme pedibus assidua, in jejuniis multis per totos quadraginta annos perseveravit, ita ut die Dominico, tertia & quinta Feria piscibus & lactariis tantum, Sabbato & feria secunda aridis leguminibus, quarto & sexto die aqua & pane solo duntaxat vesceretur. Pedes pauperum, quos tredecim semper ubique secum circumduxit, lavit: ulcera eorum ligavit, captivos redemit, subditos oppressos tutata est. Irata à nemine unquam visa est, contenta ea objugatione, Deus tibi parcat.

R. Dillexisti justitiam.

*Lectio vi.*

**N**ON caruit diva Hedviggis miraculorum ac prophetiæ spiritu & gratia; nam & duabus sanctimonialibus visum restituit, & duos recentes suspensos, magna omnium admiratione, ad vitam revocavit. Mortis item mariti sui tempus & rationem longè antè prædixit, & filii eodem modo, cujus cædem eo ipso, quo cæsus est, die in remotissimis partibus cognovit, & ipsa diem sui obitus multò prius præsensit.

&

& prædixit. Itaque priusquam morbo gravi correpta fuisset, sacram Undionem accepit. Sanctimoniales se ægram sine permissione superiorum invisentes depulit: nihil sanctum esse docens, quod cum obedientia majorum susceptum non esset. priusquam moreretur, magna hilaritate Sanctos cum splendida luce ad se venientes salutavit. Mortua est die sancti Matthæi hora vespertina, qua jejunia sua pane solo reficere solebat, anno salutis humanæ millesimo ducentesimo quadragesimo tertio. Ac post multis editis miraculis in numerum Sanctorum à Clemente quarto relata est. In cujus Canonizatione mulier cæca visui restituta est.

R. Fallax gratia.

*In tertio Nocturno Homilia in Evangelium.* Simile est regnum cœlorum thesauro. de Communi nec Virginis nec Martyris.

DIE XVI. OCTOBRIS.

In festo S. Brunonis Episcopi & martyris, Apostoli Prussiæ. Duplex.

*Omnia de Communi unius Martyris, præter ea, quæ sequuntur.*

*Oratio.*

**M**isericordissime Deus, pro cuius fidei propagatione, sanctus Bruno Episcopus

& Martyr, in his terris sanguinem liberaliter effudit, miserere animarum populi tui, easque à culpis ac pœnis liberas in Sanctorum tuorum numerum misericordissimè inferas. Per Dominum.

*In secundo Nocturno.*

*Lectio iv.*

**S**ANCTUS Bruno, Apostolus, Episcopus ac Martyr gloriosissimus Prutenorum, qui populi ad mare Balticum constituti regionem Septentrionalem, rerum ubertate florentem incolunt, ex Germania ortum duxit. Parentibus antiqua nobilitate, & multis opibus claris editus, genus suum virtutis splendore, animarum ad Christum convertendarum zelo, liberali sanguinis ob Catholicæ Jesu Christi fidei propagationem profusione, clarius illustravit.

R. Honestum fecit.

*Lectio v.*

**P**uer ab Ida venerabili matre sua integerrimè educatus Giddoni Philosopho litteris ac scientiis imbuendus commendatus. Ea verò juvenis lectissimus pietate in Deum semper fuit, ut nihil præterquam pietatem beata ipsius anima spiraret, redoleretque. Ludentibus cœtaneis, ac otio deditis, Bruno orationis ad Deum fundendæ jugi studio, modestia,

sen-

sensuum & linguæ continencia, salutarique negotiorum priorum occupatione assiduo delectabatur. Adolescens ab Othone Imperatore hujus nominis tertio, in aulam evocatus, paulò post ab aulæ molestiis ac periculis prudenti consilio, ad monasticam ac tranquillam sese vitam, Divi Benedicti institutiones complectens, transtulit: ad quam etiam vivendi normam patrem proprium Brunonem annis gravem perduxit. R. Desiderium.

*Lectio vi.*

**Z**Elo animarum JESU CHRISTO lucrandarum incensus, cum licentiam prædicandi inter barbaras, ac veri Dei cultus expertes Gentes Evangelii à Romano Pontifice impetravisset, per Tagmonem Archi-Episcopum Magdeburgensem in Episcopum consecratus Prussiæ Provinciam adiit: cujus omnes incolæ, dæmonis fraude obcæcati, necdum ullam Dei Creatoris sui cognitionem tenebant. Quam notitiam, cum eis sanctus Bruno noviter ac constanter ingereret, Christumque humani generis vindicem, ac judicem palàm prædicaret, barbarorum in se hominum, diabolo animos impios extimulante, iras ac odia concitavit, qui cum sanctum Episcopum in

*Pars Autum.*

prædicandi munere acerrimè impedirent, non modo minas eorum ac furorem contempsit, sed etiam longè alacrius Evangelium propalavit. Qua de causa ab impiis idololâtris interceptus, cum ei initio manus sanctæ, ac pedes essent præcisi, demum capite, una cum decem & octo commilitonibus obtruncatur decimo sexto Kalendarum Martii, Anno partæ salutis millesimo octavo.

R. Stola jucunditatis.

## DIE XX. OCTOBRIS.

In festo Translationis sancti Adalberti Ep. &amp; Mart.

Dupl. min.

*Omnia de Communi unius Martyris præter sequentia.**Ad Magnificat, Antiph.*

Magnificet te, Domine, tuo redempta sanguine Christiana lætabunda plebs, annua Adalberti votiva celebrans solemnia: cujus morte pretiosa, devota promitt gaudia, ut per ejus suffragia tua impetret beneficia.

*Oratio.*

**T**Uam nobis indulgentiam, quæsumus Domine, beatus Adalbertus Episcopus & Martyr impleret: ut & delicta nobis clementer ignoscas, & beneficia desiderata concedas. Per Dominum

*Lectioes primi Nocturni de Scriptura occurrente.**In secundo Nocturno.*

D

*Lectio*

*Lectio iv.*

**A**Dalbertus Episcopus Pragensis, in Boëmia nobilissimis parentibus Slaunico Libecensi Comite ac Strezyslava natus, Voitechus antea patrio sermone dictus fuit: ab Episcopo autem Magdeburgensi Adalberto, apud quem deinceps piè ac honestissimè educatus est, alterum nomen accepit. Postquam Dichmaro in Episcopatu Pragensi successit, eum sanctissimè in magna vitæ continentia, pietate, pauperumque cura gessit. Propter contumacis tamen populi gravia peccata deserere illum coactus, sedem Apostolicam hac de re consulturus in Italiam se contulit.

R. Honestum fecit.

*Lectio v.*

**P**eregrinatione Jerosolymitana, quam instituerat, intermissa, Romæ Leoni Abbati sancti Bonifacii commendatur. Ibi cum in religiosa vita quinquennium exegisset, à Pragensibus pertasibus orbitatis denuò revocatur. Principis ipsius & Archiepiscopi Moguntini nuntiis precibusque exoratus Pontifex redire Adalbertum ad suos jubet. Recipiunt læti reducem, non diu tamen illi obtemperant: sacras enim ædes invadunt, fontesque, qui ad illas confugerant, per

vim ereptos interficiunt. Iterum illos deserit Adalbertus, animoque ad convertendas gentes alias, & ad martyrium destinato, ut benedictionem tamen Sedis Apostolicæ obtineat, Romam revertitur.

R. Desiderium animæ.

*Lectio vi.*

**D**enuò Pragenses & Moguntinus Adalbertum repetunt. Cùmque jussu Pontificis iterum ad illos rediret, tres fratres suos ab eis cæcos esse cognoscit Pragensem ergo viam præclusam sibi, mentesque illorum à se alienatas esse videns, Deo gratis actis, convertendi gentes, quod Romanus Pontifex probaverat institutum suum prosequitur. Hungariam cum Rege Geiza, ejusque filio sancto Stephano in fide Christi confirmat: Poloniam, vicinam cognatamque Boëmis suis gentem, salutaribus præceptis copiosius instruit. Post triennium autem Radzino fratre in Archiepiscopatum Gnesnensem suscepto, ipse in Prussiam idolis adhuc & dæmonibus servientem proficiscitur. Ibi dum religionem Christianam disseminaret, apud Fishausum sinus Venedici oppidum inter sacrificandum confusus, & in partes dissectus est. Corpus ejus à Boleslao Charbro

bro Principe Poloniae postea redemptum, & in Tremesense monasterium prius, deinde Gnesnam Metropolitim honorificè translatum est.

R. Stola iucunditatis.

*In tertio Nocturno, Homilia in Evang. Siquis venit de Communi unius Martyris.*

R. vii. O quam prædicanda & laudanda in sancto Adalberto excellentia cælestis gratiæ radiat, cum & in ævo sit teneriore, \* & in divino sacerdote sancto Martyre, Deo munus acceptabile V. Fit in puero oblatio, sacrificium in præfule, holocaustum in Martyre. Et in divino.

R. viii. Dei Alme Præful, & beate Martyr Adalberte, confer opem petentibus, tuis sanctis precibus mala pelle, bona posce: \* Præsta pacis incrementum, confer vitæ gaudia.

Ps. Ut sub tuo protecti patrocinio, gloriemur in laude Dei perpetuè. Præsta Pacis. Gloria. Præsta.

*In ii. Vesp. Ad Magnificat.*

*Antiph. Per merita sancti Adalberti Christe nos exaudi: atque ejus precibus nobis succurre miseris.*

DIE XXI. OCTOBRIS.

In festo SS. Ursulæ & sociarum Virginum & Mart.

Duplex.

*Omnia de Communi Virginum, præter ea, quæ sequun-*

*tur. Oratio. Da nobis quæsumus. ut in Brev.*

*In primo Nocturno, Lectiones de Script. occurrente.*

*In ii. Noct. Lectio iv.*

Ursula sanctitate, sapientia & pulchritudine insignis, filia unica Regis Britannia Christianissimi fuit. Quam cum Rex Angliæ gentilis idemque potentissimus, filio suo, missis eo solemnibus nuntiis, uxorem expeteret, ipsa divinitus præmonita, persuasit patri, ut nuptiis consentiret, ea conditione, ut rex ille, & pater decem primævæ ætatis Virgines, & forma & genere lectissimas perquirerent, & tam sibi, quàm singulis illarum, mille alias virgines honestissimas consociarent, comparatisque ad numerum, ipsarum undecim triremibus inducias triennii sibi darent ad dedicationem virginittatis suæ, ipse quoque Juvenis sacro renovatus lavacro in fide Christi interim instiueretur.

R. propter veritatem.

*Lectio v.*

EX hoc condisto, virginibus, triremibus, viris pro comitatu & sumptibus præter spem celerius comparatis, per triennium belli præludia, multis undique ad spectaculum confluentibus, ab ipsis celebrata sunt. Tandem cum Ursula omnes vir-

gines socias suas ad Christum conversas, tam verbis, quàm exemplis ad castitatis propositum erudisset, sub unius diei noctisque spatio, vento prospero ad portum Gallia Tila, & inde Coloniā delatæ sunt: & ex eo loco Angelica visione instructæ, Basileam applicuerunt, relegatisque ibi triremibus pedestri itinere Romam venientes, magno applausu Cleri & populi exceptæ sunt.

R. Dilexisti.

*Lectio vi.*

**U**Bi cum per aliquot dies perlustratis diversis Sanctorum liminibus, pervigiles in oratione, Deo animas suas commendassent, peractis votis, itinere quo venerant, Coloniā sunt reversæ, ab Hunnis jam undique obsessam. Qui totam illam sanctam multitudinem, cui etiam sponsus Eleutherius se junxerat, immaniter trucidarunt, Coloniā sanguine, & sepultura eorum clariorem reddentes. Post omnes vero candidissimi exercitus Regina, dum Principi Hunnorum in matrimonium consentire nollet, ictu sagittæ transverberata, super nobilem comitum suarum acervum velut cœleste margaritam corruit. R. Afferentur

**DIE XXIII. OCTOBRIS.**  
In festo sancti Joannis à Ca-

pilbrano Confessoris. Duplex.

*Omnia de Communi Conf. non Pont. præter ea, quæ sequuntur.*

*In utrisque Vesperis ad Magnificat, & ad Benedictus, Antiphona.*

○ Zelator fidei Persecutor Hæreticorum, lumen virtutum, exterminator Turcarum, prædicator egregie, Doctor populorum: Joannes fidelissime Ordinis Minorum, esto nobis præsidium è regno beatorum.

*Oratio.*

**D**EUS qui Ecclesiam tuam beati Joannis à Capistrano meritis & doctrinis mirabiliter sublimasti, & per eum de perfidis tyrannis in virtute sanctissimi Nominis Jesu, fideles tuos triumphare fecisti; præsta quæsumus, ut de inimicis nostris, ejus intercessione prævalentes in terris, præmiari cum ipso mereamur in cœlis. Qui vivis.

*In primo Nocturno, Lectiones de Script. occurrente.*

*In secundo Nocturno.*

Sermo S. Joannis Chrysof. Beati. ut in Breviario primo loco.

*In tertio Nocturno Homilia in Evang. Nolite timere.*

**DOMINICA IV. OCTOBR.**  
Beati Joannis Cantii. Conf.

*Duplex min.*

*Lectiones propria. Secundi Nocturni cum Oratione.*

*Lectio*



*Lectio iv.*

JOañes in oppido Kenty Cracoviensis Diœcesis, à quo Cantii cognomen duxit, Stanislao & Anna piis & honestis Parentibus natus, morum suavitate, innocentia, gravitate, ab ipsa infantia spem fecit maximæ virtutis. In Universitate Cracoviensi Philosophiæ ac Theologiæ primum Auditor, tum per omnes Academiæ gradus ascendendo Professor ac Doctor, sacra quam annis multis tradidit, doctrina mentes audientium non illustrabat modo, sed & ad omnem pietatem inflammabat, simul docens scilicet, & faciens. Sacerdos factus nihil de litterarum studio remittens, studium auxit Christianæ perfectionis. Utque passim offendi Deum maximè dolebat; sic eum sibi & populo placare, oblato quotidie, non sine multis lacrymis incruento Sacrificio satagebat. Ilcusiensem Parochiam annis aliquot egregiè administravit, sed animarum periculo commotus, postea dimisit, ac postulante Academia ad pristinum docendi Officium rediit.

*Lectio v*

Quidquid temporis à studio supererat, partim orationi dabat, in qua celestibus quandoque visionibus, & colloquiis dignatus

fertur. Christi verò Passione sic afficiebatur, ut in ea contemplanda totas interdum noctes duceret insomnes, ejuque causa melius recollendæ Hierosolymam peregrinatus sit: ubi & Martyrii desiderio flagrans, Turcis ipsis Christum crucifixum prædicare non dubitavit. Quæ etiam ad Apostolorum limina, pedes, atque viaria onustus sarcina Romam venit, tum ut Sedem Apostolicam, cui maximè addictus fuit, honoraret, tum ut sui (sic enim agebat) purgatorii pœnas exposita illic quotidie peccatorum venia redimeret. Quo in itinere à latronibus olim spoliatus, & num quid haberet præterea, interrogatus cum negasset, aureos deinde aliquot suo insutos pallio recordatus, fugientibus hos etiam clamans obtulit latronibus: qui Viri sancti candorem simul & largitatem admirati, etiam ablatos ultrò reddidere. Alienæ famæ ne quis detraheret, descriptis Beati Augustini exemplo in pariete versiculis, se, atque alios perpetuò voluit admonitos. Famelicos de suo etiam obsonio satiabat. Nudos autem non emptis modo, sed detractis quoque sibi vestibus & calceis operiebat, demisso ipse interim usque ad

terram pallio, ne domum nudipes redire videretur.

*Lectio vi.*

**B**REVIS illi somnus, atque humi, vestis, quæ nuditatem, cibus, qui mortem duntaxat, arceret. Virginalem pudicitiam, velut lilium inter spinas asperô ciliciô, flagellis, atque jejuniis custodivit. Quin & per annos ante obitum triginta circiter & quinque ab esu carniū perpetuô abstinuit. Tandem dierum juxtâ ac meritorum plenus, cū vicinæ, quam præsentit, morti se diu diligentérque præparasset: ne qua re ampliùs teneretur, si quid domi supererat, id omne pauperibus distribuit. Tum Ecclesiæ Sacramentis ritè munitus dissolvi jam cupiens, & esse cum Christo, pridè Nativitatis ejus in Cœlum evolvit. Miraculis ante, & post mortem clarus. Mortuus ad proximam Academiæ Ecclesiam S. Annæ delatus est, ibique honorificè sepultus. Auctâque indies populi veneratione, ac frequentia, inter primarios Poloniæ, ac Lithuanix Patronos religiosissimè colitur.

*Oratio.*

**D**A quæsumus omnipotens, & misericors Deus, ut beati Joannis Confessoris tui exemplô, misericordiam aliis exhibentes, meritis ejus apud

te misericordiam consequamur. Per Dominum.

*Infra Octavam Lektionen dicuntur, ut infra Octavam S. Stanislai Kostka.*

**DIE XXIV. OCTOBRIS:**  
In festo S. Raphaelis Archangeli. Dupl. minus.

*Omnia ut in supplemento Breviarii inter festa particularium locorum.*

**DIE XXVIII. OCTOBRIS.**  
In festo S. Petri Paschasis, Episc. & Mart. Dupl. min.

*Omnia de Communi unius Martyris præter sequentia.*

*Oratio.*

**D**EUS, qui nos beati Petri Martyris tui atque Pontificis annua solemnitate lætificas, concede propitius, ut cujus natalitia colimus, de ejusdem etiam protectione gaudeamus. Per Dominum.

*In primo Nocturno. Lektionen de Scriptura occurrente.*

*In secundo Nocturno.*

*Lectio iv*

**P**ETRUS cognomento Paschasis, Valentix, dum sub Maurorum jugo teneretur, Christianis Parentibus natus, liberalibus artibus, sacrisque disciplinis eruditus, inter Canonicos Ecclesiæ Valentix adscribitur, mox erogatis in pauperes amplissimis redditibus, ut se totum pietati converteret; Ordinem B. Mariæ de Mercede Redemptionis captivorum ingreditur: in quo

quo sub ipso sancto Petro Nolasco Magistro adeò exactam vivendi rationem instituit, ut in jejuniis & mortificationibus exemplar omnibus esset.

R. Honestum fecit.

*Lectio v.*

**D**Ein sacram Theologiam magno auditorum profectu publicè docuit; quare Jacobus primus Arragoniæ Rex, ejus doctrinæ fama permotus, illum in filii Sancti Archi-Episcopi Toletani, qui & eidem Ordini nomen dederat, præceptorem & directorem, collato ab Urbano IV. Titulo Episcopatus Granatensis, delegit Quo in munere ita se gessit, ut ordinem suum Toleti & alibi mirificè propagaverit, donec defuncto Sanctio ad Gnesensem Ecclesiam omnibus votis præficiatur. In ejus verò regimine, dum ovium sibi creditarum saluti sedulò invigilat, à Mauris captus, in vinculis Granatæ jam septuagenarius detinetur.

R. Desiderium animæ.

*Lectio vi.*

**V**erùm in tanto vitæ discrimine ærumnis, & calamitatibus pressus, summa constantia Catholicam Religionem tueri, fidelisque in ergastulis miserè detentos opibus & pecuniis in propriam libertatem pluries pa-

ratis juvit; ac pueros & foeminas in animæ discrimen ob ætatis, & sexus imbecillitatem proclives, contempta propria salute redemit. Cùmque inter infideles ipse non prætermitteret Catholicam Religionem propugnare, ac Saracenorum errores doctissimis commentariis confutare, ipsum Granatæ, dum sacra operatur, obtruncari Rex Mahometanus jubet. Martyris sui sanctitatem multis Deus miraculis illustravit; diuque à fidelibus venerationi habitum Clemens X. Pontifex Maximus Ecclesiastici cultus decreto decoravit.

R. Stola jucunditatis.

*In tertio Nocturno Homilia in Evang. Si quis vult, de Communi unius Martyris.*

FESTA NOVEMBRIS.

Dominica II. Novembr.

IN FESTO PATROCINII

E. M. V.

*Dupl. ii. Class.*

*Omnia ut in supplemento Breviarii inter festa particularium locorum. Et fit commemor. Dominica in utrisque Vesp & Laudibus, cum ix. Lectione de Homilia ejusdem Dominica.*

DIE XII. NOVEMBRIS.

In festo Ss. Benedicti, Joannis, Matthæi, Isacii, atque Christini, quinque fratrum Martyrum.

*Dupl. min.*

*Omnia de Communi plurim. MM. præter sequentia.*

*Oratio.*

**S**anctorum nos, quæsumus Domine, Martyrum tuorum Benedicti, Joannis, Matthæi, Isaacii atque Christini gloriosa hodierna die trophæa lætificent, quatenus eorum interventione, ad illam perveniamus hæreditatem, in qua iidem felices Angelorum cœtibus aggregati, tuæ semper Majestati perfruuntur ineffabili claritate. Per Dominum.

*In primo Nocturno, Lectio- nes de Scriptura occurrente.*

*In secundo Noct. Lectio iv.*

**B**enedictus Joannes, Matthæus, Isaac, & Christinus Fratres Eremitæ Poloni, post Episcopi Adalberti, cujus erant peregrinationis comites necem, à Prussis multis contumeliis divexati, & Prussiæ sinibus eiekti in majorem Poloniam redierunt. Et quò expeditius humana contemnerent, & cœlestia spectarent, in vastam solitudinem apud Casimiriam se receperunt; ibique casis, quæ singulos caperent, stramento ædificatis non extraneorum tantum sed mutuum etiam consuetudinem fugiebant. Mirum Dei viris inerat abstinentiæ studium, cum aliqui eorum semel duntaxat, alii qui paulò tenuioris erant

valetudinis, bis in hebdomada oleribus, & aqua pane nonnunquam adhibito, se reficerent. De qua austeritate victus, toto vitæ suæ tempore, præterquam die sacratissimo Paschæ, quoad vixerunt, nihil remittebant vestibus, quas è fetis equorum; sibi confecerant, contenti. Quies non stratis mollioribus accersita, sed si quid dandum fuerat fessis corporibus, humi jacentes lapidem capitibus subjiciebant.

*R. Sancti tui.*

*Lectio v.*

**T**anta autem erat sanctitatis eorum fama, ut Boleslaus Chabrus, pius & sanctus, isque primus Polonorum Rex, præsens eos accederet, eorum orationibus se & regnum suum commendaret, grandique pecunia oblata, liberaliter & regiè Sanctos donaret. Sed B. Viri post aurum non abeuntes, nec ullam in pecuniæ thesauris reponentes spem, ut qui pro Christi nomine renuntiassent omnibus, è vestigio argentum Regi, ut referat Barnabas unus ex fociis, constituent. Quod dum fit, ecce grassatores, qui cognoverant munificè à Rege donatos, prima noctis vigilia adsunt: Sanctos Fratres in Dei laudibus opprimunt, extra casas protrahunt, gladios inten-

tant;

tant; ferenda vobis, quamcumque imposuerimus, fortuna est, nisi quidquid ubicumque locorum argenti reconditum est, nostrum illi cō fuerit, minitantur. Quare aut pecuniam ultrò exponite, vel si moramini, vitam cum sanguine profundite, Sancti multis obestatonibus Regi esse reportatam confirmant: quin etiam tugariola ut excutiantur, potestatem dant.

R. Verbera carnificum.

*Lectio vi.*

**S**Æva auri cupiditas, ubi nihil minis extorquet, reliquum spei tollendæ pecuniæ in verberibus & suppliciis reponit. Deligantur fratres sancti ad palum, ignibus ad latera admotis exuruntur: deinde circa rotarum vertiginem adstricti diutissime verberantur: tota nox in crudelissima paupertatis Sanctorum & innocentiae supplicia expenditur. Denique cum omnes jam artes potiendi argenti tentatæ essent, nec successisset, ne quid inausum de concepta crudelitate relinqueretur, ab iisdem latronibus, anno salutis humanæ millesimo quinto, pridie Idus Novembris, in Dei laudibus constantissime permanentes trucidantur. Boleslaus nece Sanctorum innocenti cognita, eandem gra-

*Pars Autum.*

tiam, quam præbuerat vivis, servavit & mortuis: qui beatorum Fratrum corpora honorificentissima sepultura Casimiræ in majori Polonia condidit. Barnabas superstes in eremum reversus vitam fratrum suorum æmulus, assiduis orationibus, vigiliis, jejuniisque addictus, paulò post sancto sine quievit: & ipse pii Regis mandato ad fratres suos appositus, ut quibus in coelesti patria esset conjunctus, in terris eodem tumulo cum eis conditus quiesceret.

R. Tanquam aurum.

*In tertio Nocturno.*

Lectio sancti Evangelii secundum Lucam.

*Lectio vi. Cap. 12.*

**I**N illo tempore: Dixit Iesus discipulis suis: Attendite à fermento Phariseorum, quod est hypocrisis. Et reliqua.

Homilia Venerabilis Bedæ Presbyteri.

*Lib. iv. in Luca c. 52.*

**D**E hoc fermento Apostolus præcipit: In aque epulemur, non in fermento veteri, neque in fermento malitiæ & nequitiae, sed in azymis sinceritatis & veritatis. Nam sicut medicum fermentum totam farinæ, cui injicitur, massam corrumpit, universamque mox conspersionem suo sapore commaculat: sic nimirum simula-

E

tio,

tio, cuius semel animum imbuerit, tota virtutum sinceritate & veritate fraudabit. Est ergo sensus: Attendite, ne æmulemini simulatores, quia veniet profectò tempus, in quo & vestra virtus omnibus, & eorum reveletur hypocriſis.

R. Propter testamentum.

*Lectio viii.*

**V**ERùm quod sequitur: Quoniam quæ in tenebris dixistis, in lumine dicentur: non solum in futuro, quando cuncta cordium abscondita proferentur ad lucem, sed & in præſenti tempore potest congruenter accipi: quoniam quæ inter tenebras quondam pressurarum, carcerumque umbras vel locuti, vel passi sunt Apostoli, nunc clarificata per orbem Ecclesia, lectis eorum actibus publicè prædicantur. Ne timeamini ab his, qui occidunt corpus. Si persecutores Sanctorum, occisis corporibus non habent amplius, quid contra illos agant; ergo supervacua sunt insania, qui mortua Martyrum membra feris avibusque discerpenda projiciunt, cum nequaquam omnipotentia Dei, quin ea resuscitando vivificet, obſistere possint.

R. Hæc est vera fraternitas, quæ nunquam potuit violari certamine: qui effuso

sanguine secuti sunt Dominum: \* Contemnentes aulam regiam, pervenerunt ad regna cælestia.

Ps. Ecce quàm bonum, & quàm jucundum habitare fratres in unum. Contemnetes. Gloria. Contemnetes.

*Lectio ix.*

**D**UO autem sunt genera persecutorum: unum palam sævientium, alterum fide, fraudulentèque blandientium. Contra utrumque nos munire atque instituere volens Salvator, & supra ab hypocriſi Pharisæorum attendere, & hinc à carnificum cæde præcipit non timere: quia videlicet post mortem nec horum crudelitas, nec illorum valeat simulatio durare. Nonne quinque passeris veneunt dipondio? Si minutissima, inquit, animalia, & quæ quò libet per aëra feruntur volatilia, Deus oblivisci non potest; vos qui ad imaginem facti estis Creatoris, non debetis terri ab his, qui occidunt corpus: quia qui irrationabilia animalia gubernat, rationabilia curare non desinit.

Te Deum Laudamus.

*Si hodie sit dies Sabbati, tunc Vespera dicuntur de sequenti festo S. Stanislai Kostka cum commem. solius Dominica occurrentis.*

## DIE XIII. NOVEMBRIS.

*si hac die occurrat Dominica aliàs Dominicâ proximè sequente.*

S. STANISLAI KOSTKÆ.

*Confess. Dupl. i. Class.*

*cum octava.*

*Omnia de Communi Confess. non Pontificis præter sequentia.*

*Oratio.*

**D**Eus, qui inter cætera sapientiz tuæ miracula etiam in tenera ætate maturæ sanctitatis gratiam contulisti: da quæsumus; ut beati Stanislai exemplo, tempus instanter operando redimentes, in æternam ingredi requiem festinemus. Per Dominum.

*Et fit commemoratio Dominica occurrentis.*

*Lectioes primi Nocturni:*

*Justus si morte. de Communi Conf. non Pontif.*

*In secundo Nocturno.*

*Lectio iv.*

**S**TANISLAUS, Senatoria Kostkarum gente ortus in Polonia, quam olim esset militiam secuturus, nomen JESU prænuntiavit, parituræ matris gremio divinitus inscriptum. Virginitatem adhuc puer ita coluit, ut paterna in mensa siquid minùs pudicè dictum audisset, præ horrore exanimis corrueret. Ad Viennense in Austria Seminarium studiorum causâ mis-

sus non minùs exemplo socialibus, quàm venerationi fuit. Coactus inde in Lutherani hospitis ædes migrare, ibique à Paulo fratre ad liberiores vitam omni etiam asperitatum genere incitatus, domesticum bellum toto biennio constantissimè sustinuit, ad æterna se, non ad caduca natum affirmans. Itaque unicum illi erat rerum cælestium desiderium, perpetua cum Deo consuetudo, cultus Deiparæ adedò tener, ut Matrem suavissimè appellaret.

*¶. Honestum fecit.*

*Lectio v.*

**Q**uotidianæ fratris vexationi crebra ipse jejunia, flagella, aliòsque insonitis corpusculi cruciatus adiciens, lethalem in morbum incidit. Quo ingravescente, cum dæmonem horrendi canis specie insipientem signo crucis ter fugasset, sacrum viaticum, quod in hæretica domo decumbens frustra ab hominibus petebat, ab Angelis accepit. Mox ad pueri JESU complexum à Beatissima ejus Matre comiter admissus, ac Societati jussus nomen dare, subito convaluit. Sed cum aditum ad illam patris timor in Germania præcluderet, peregrini habitu solus, pedes, mendicus fugam arripit, certus non si-

stere, nisi voci compos fiat. Iter non uno Dei beneficio prosperum fuit. Nam præter alia Pauli profugum fratrem jam assequentis equi immisso divinitus torpore constiterunt. Et Stanislaus Angelorum pane iterum Angelico ministerio refectus post duodecies centena passuum millia, tandem Romæ in Societatem JESU à sancto Francisco Borgia Generali Præposito meruit cooptari.  
R. Amavit eum.

*Lectio vi.*

**T**Yronis emeriti virtutes in Religiosæ vitæ palæstra splendidius eluxère, charitas præsertim erga Deum, in quem assiduè alienata à sensibus mente rapiebatur. Inde illi facies semper accensa, nonnunquam irradians, perennes lacrymæ, ardor peccatoris rarus, ut media quoque hyeme foret ingesta identidem gelida temperandus. Itaque amore verius, quam febris æstuans, die Assumptæ in cœlum Virgini sacro, ad ejus triumphalem pompam propius ut optaverat, spectandum, ab ipsa beatarum virginum choro stipatâ vocatus est ex Quirinali domo probationis, anno innocentis vitæ decimo octavo, operum plenior quàm dierum. Multis post obitum miraculis in sua præsertim

Polonia enituit; ejus armis contra formidabiles Turcarum exercitus spectabilis è cœlo affuit non semel & civitas alias peste, alias incendio liberavit. Quomobrem Clemens Decimus eum inter primarios totius regni Patronos constituit. Benedictus verò Decimus tertius (quod à Clemente Undecimo jam pridem fuerat decretum) in Sanctorum numerum retulit.

R. Iste homo.

*In tertio Nocturno Homilia in Evang. Sint lumbi: de Communi Conf. non Pontif. cum ix. Lectione de Homilia Dominicæ occurrentis, & commem. ejusdem in Laudibus & Vesperis.*

FERIA SECUNDA

infra oct. S. Stanislai Koskæ.

*Lectiones primi Nocturni hodie & deinceps per octavam de Script. occurrente.*

*In secundo Nocturno tres Lectiones S. Joannis Chrysostomi: Beati Stanislai dies, de Communi Conf. non Pontif. primo loco.*

*In tertio Nocturno.*

Lectio sancti Evangelii secundum Lucam.

*Lectio vi Cap. 12.*

**I**N illo tempore: Dixit JESUS discipulis suis: Sint lumbi vestri præcincti, & lucernæ ardentes in manibus vestris & reliqua.

De



De Homilia S. Gregorii Papæ.

*Hom. 13. in Evang.*

**S**ed veniens Dominus quid vigilantibus servis exhibeat, audiamus. Amen dico vobis, quod præcinget se, & faciet illos discumbere, & transiens ministrabit illis. Præcinget se, id est, ad retributionem præparat. Et faciet illos discumbere, id est, in æterna requie refoveri; discumbere quippe nostrum, in regno quiescere est. Unde rursus Dominus dicit: Venient & recumbent cum Abraham, Isaac, & Jacob. Transiens autem Dominus ministrat, quia lucis suæ illustratione nos satiat; transire verò dictum est, cum de iudicio ad regnum redit.

R. Ille est qui.

*Lectio viii.*

**S**ed quid si servi in prima vigilia negligentes existunt? prima quippe vigilia, primæ ætatis custodia est. Sed neque sic desperandum est, & à bono opere cessandum: nam longanimitatis suæ patientiam insinuans Dominus subdit: Et si venerit in secunda vigilia, & si in tertia vigilia venerit, & ita invenerit, beati sunt servi illi. Prima quippe vigilia, primævum tempus est, id est, pueritia: secunda, adolescentia vel juvenus, quæ auctoritate sacri eloqui unum sunt,

dicente Salomone, Latere juvenis in adolescentia tua; tertia autem, senectus accipitur. R. Sinclumbi.

*Lectio ix*

**Q**ui ergo vigilare in prima vigilia noluit, custodiat vel secundam: ut qui converti à pravitatibus suis in pueritia neglexit, ad vias vitæ saltem in juventute evigilet: & qui in secunda vigilare noluit, tertiæ vigiliæ remedia non amittat; ut qui in juventute ad vias vitæ non vigilat, saltem in senectute respiscat. Pensate, fratres charissimi, quia conclusit Dei pietas duritiam nostram. Non est jam, quid homo excusationis inveniat. Deus despicitur, & expectat; contemni se videt, & revocat; injuriam de contemptu suo suscipit, & tamen quandoque revertentibus etiam præmia promittit.

Te Deum laudamus.

FERIA TERTIA

Infra octav. S. Stanislai

Kostkæ.

*In secundo Nocturno.*

De Sermone S. Joannis Chrysostomi. de S. Philogono. ante med.

*Lectio iv.*

**A**D hanc beatam requiem transit beatus Stanislaus: quænam igitur oratio par sit viri Laudibus, quem Deus tam felici sorte dignatus est?

E 3

Non

Non est ulla. Sed age, dic mihi, num idcirco sitebimus? & cuius rei gratiâ convenimus? An dicemus nos haud posse magnitudinem gestorum oratione consequi? Atqui ob hoc ipsum necesse est dicere, quandoquidem hæc est præcipua laudum illius pars, quòd factis verba æquiparari non possint. Nam quorum benefacta naturam etiam superant mortalem, perspicuum est, quòd horum laudes excedunt linguam humanam. Haud tamen ob id aspernabitur officium nostrum, quod pro viribus præstamus sed suum imitabitur Dominum: siquidem & ille, viduæ duos tantum obolos dejicienti in gazophylacium non tantum duorum obolorum mercedem, sed multò amplius reddidit.

R. Honestum fecit.

*Lectio v.*

PROinde quamvis nostræ facultates exiguæ sint, minimique pretii, attamen, quæ possumus, offerimus. Ea licet non respondeant magnitudini animæ præclari, justique Stanislai, tamen hoc ipsum celsitudinis illius maximum fuerit argumentum, quòd nec pusilla repellat, sed idem faciat, quod solent divites. Siquidem illi, cum acceperint à tenuibus exigua, quibus non egent,

sua, vicissim apponunt, remunerantes eos, qui, quod poterant, obtulerint. Itidem & hic, cum acceperit à nobis laudem verbis peractam, qua nequaquam eger, redonabit nobis per ipsa facta benedictionem, qua semper uti possimus.

R. Amavit eum.

*Lectio vi.*

UNde igitur laudationem illius auspicabimur? An à magistratu, quem spiritus illi tradidit gratia? Nam mundani magistratus nequaquam possunt Christianorum demonstrare virtutes, quin potius frequenter habent accusationem malitiæ. Quam ob causam? quoniam & sollicitudines amicorum, & circumcursationes, & adulationes aliæque permulta his scœdiora tales magistratus solent conciliare. Cæterum ubi Deus suo suffragio designarit aliquem, incorruptum suffragium, alienum ab omni suspitione iudicium, indubitata fuerit delecti comprobatio, propter ejus, qui delegit, auctoritatem.

R. Iste homo perfecit.

*In tertio Nocturno.*

Lectio sancti Evangelii secundum Lucam.

*Lectio vii. Cap. 12.*

IN illo tempore: Dixit JESUS discipulis suis: Sint lumbi vestri præcincti, & lucernæ arden-

ardentes in manibus vestris.  
Et reliqua.

Homilia sancti Augustini  
Episcopi.

Serm. 39. de Verb. Dom.

**A**udistis modò Evange-  
lium, quid monuerit  
nos, cautos nos faciens, &  
volens esse expeditos & pa-  
ratos ad expectandum no-  
vissima, ut post novissima,  
quæ sunt in hoc sæculo me-  
tuenda, succedat requies, quæ  
non habet finem. Beati, qui  
participes facti fuerint. Erunt  
autem tunc securi, qui mo-  
dò non sunt securi; & ite-  
rum tunc timebunt, qui mo-  
dò timere nolunt. Ad hanc  
expectationem, & propter  
hanc spem Christiani facti  
sumus.

R. Iste est, qui.

*Lectio viii.*

**N**onne spes nostra non est  
de hoc sæculo? Non  
amemus sæculum. Ab amo-  
re sæculi hujus vocati sumus,  
ut aliud sæculum speremus,  
& diligamus. In hoc absti-  
nere nos debemus ab omni-  
bus illicitis concupiscentiis,  
hoc est, lumbos accinctos  
habere debemus, & fervere,  
& lucere in operibus bonis,  
hoc est, lucernas arden-  
tes in manibus habere. Dixit enim  
ipse Dominus discipulis suis  
alio loco Evangelii: Nemo  
accendit lucernam, & ponit  
eam sub modio, sed super

candelabrum, ut luceat om-  
nibus, qui in domo sunt.

R. Sint lumbi.

*Lectio ix.*

**E**T ut ostenderet unde di-  
cebat, subiecit, & ait: Sic  
luceat lux vestra coram ho-  
minibus, ut videant bona fa-  
cta vestra, & glorificent Pa-  
trem vestrum qui in cœlis  
est. Lumbos nostros accin-  
ctos esse voluit, & lucernas  
ardentes. Quid est, Lum-  
bos accinctos? Declina à  
malo. Quid est lucere? quid  
est lucernas arden-  
tes habere? Hoc est, Et fac bonum.  
Quid est quòd adjunxit, &  
ait: Et vos similes homini-  
bus expectantibus Dominum  
suum, quando revertatur à  
nuptiis, nisi quod in illo Psal-  
mo sequitur: Inquire pa-  
cem, & persequere eam?

Te Deum laudamus.

FERIA QUARTA

Infra octavam S. Stanislai  
Kostkæ.

*In secundo Nocturno.*

De Sermone S. Joannis  
Chrysostomi.

*Unde supra, paulò post.*

*Lectio iv.*

**Q**uamvis sit pieta-  
tis argumentum, quòd  
Deus illum tanto magistratu  
dignum judicavit, audi. Chri-  
stus excitatus à morte, quid  
dicit Petro? Postquam enim  
illum interrogasset, Petre  
amas me? isque respondit.

set, Tu Domine scis quòd amo te; dicit illi: Si diligis me, pasce oves meas. Hoc autem dicebat, non solùm ut nobis certissimè declararet, quantoperè ipsum diligeret Petrus: verùm etiam, ut palàm faceret, quantam haberet benevolentiam erga suas oves. Itaque si quis voluerit illi commendatus esse, curam habeat ovium illius, publicam quærat utilitatem, fratrum suorum saluti prospiciat.

R. Honestum fecit.

*Lectio v.*

**N**ullum enim officium hoc Deo charius est, & ob id alicubi dicit: Simon, Simon, expetivit te Satanas, ut cribraret te tamquam triticum, sed ego rogavi pro te, ne deficiat fides tua. Quid igitur hujus sollicitudinis curæque præmium mihi rependis? eandem curam, quam nobis impendit, reposcit. Nam & tu, inquit, aliquando conversus confirma fratres tuos. Neque prorsus alia res est, quæ perinde declaret, doceatque quis sit fidelis & amans Christi, quàm si fratrum curam agat, proque illorum salute gerat sollicitudinem.

R. Amavit eum.

*Lectio vi.*

**H**æc omnes audiant & Monachi, qui montium oc-

cupârunt cacumina, quique modis omnibus seipfos mundo crucifixerunt, quò pro viribus Ecclesiarum præfectos adjuvent, horùmque curas leniant precibus, concordia, charitate; scientes, quòd nisi modis omnibus opitulentur iis, qui tot periculis objiuntur, per gratiam Dei, totque negotiorum curas sustinent, quibuscumque possunt rationibus, auxilientur, quamquam procul habitantes, & victus fors ipsis periisset, & tota in scopulum impegisset Sapia.

R. Ille homo.

*In tertio Nocturno.*

Lectio sancti Evangelii secundum Lucam.

*Lectio vii. Cap. 12.*

**I**n illo tempore: dixit Iesus discipulis suis: Sint lumbi vestri præcincti, & lucernæ ardentes in manibus vestris. Et reliqua.

De Homilia S. Augustini  
Episcopi.

*Unde supra.*

**H**æc tria, hoc est, abstinentia à malo, & operatio boni, & spes præmii æterni commemorata sunt in Actibus Apostolorum, ubi scriptum est: Quia docebat eos Paulus de continentia, de justitia, & spe vitæ æternæ. Ad continentiam pertinet, Sint lumbi vestri præcincti. Ad justitiam pertinet,

net, Et lucernæ ardentes. Ad expectationem Domini pertinet. Quæ est spes vitæ æternæ. Ergo declina à malo, hæc est continentia, hi sunt lumbi accincti. Et fac bonum, hæc est justitia, hæc sunt lucernæ ardentes. Quæ re pacem & sequere eam: hæc est expectatio futuri sæculi.

R. Iste est, qui.

*Lectio viii.*

**H**Abentes autem ista præcepta & promissa, quid quærimus in terra dies bonos, ubi eos invenire non possumus? Scio enim, quia eos quæritis, quando aut ægrotatis, aut in tribulationibus estis, quæ abundant in hoc sæculo; quoniam quando ætas vergit ad finem, & senex plenus est querelis & nullis gaudiis; inter omnes tribulationes, quibus conteritur genus humanum, non quærunť homines nisi dies bonos, & vitam volunt longam, quam hîc habere non possunt.

R. Sint lumbi.

*Lectio ix.*

**Q**uid ergo est vita hominis, etiam illa quæ longa dicitur? Audite, non à me, sed mecum simul. Ait enim nobis quidam. Venite filii, audite me, timorem Domini docebo vos. En, quam rem vult docere: & cui rei

*Parv. Antum.*

utilis est timor Domini? Sequitur: quis est homo, qui vult vitam, & diligit dies videre bonos? Respondemus omnes, Nos volumus. Quid sequitur, audiamus: Cohibe linguam tuam à malo, & labia tua ne loquantur dolum. Modò dic, Ego. Eja respondeat mihi aliquis: Ego. Et cum hoc feceris, securus expecta vitam & dies bonos: quære pacem, & sequere eam; & tunc bona fronte dicet Domino: Feci quod iussisti, redde quod promissisti, Te Deum laudamus.

FERIA QUINTA

Infra octavam S. Stanislai  
Kostkæ.

*In secundo Nocturno.*

*Tres Lectiones S. Gregorii:*  
Deridetur iusti simplicitas.  
*Ut in Communi Conf. non Pontif. secundo loco.*

*In tertio Nocturno.*

Lectio sancti Evangelii secundum Lucam.

*Lectio vii. Cap. 12.*

**I**N illo tempore: Dixit Iesus discipulis suis: Sint lumbi vestri præcincti, & lucernæ ardentes in manibus vestris. Et reliqua.

Homilia S. Petri Chrysologi.  
*ex Serm. 24. post init.*

**N**ovus ordo vigiliarum, novus habitus imperatur, sint lumbi vestri præcincti. Nil de vestitu, nil de calceamentis, nil de ipsius

F

occur-

occurfus apparatu ſervi vigiles admonentur, ſed tota in præcingentis lumbis mandatur cura, tota in conſtringendis lumbis ſtatuitur viſ præcepti. addito lucernarum ſolatio tantum, ſine quo nec noctis aperitur obſcuritas, nec venientis diei clareſcit aſpectus. R. Iſte eſt, qui.

*Lectio viii.*

**C**ingulum quidem eſt propriè indicium ſervitutis, quod & diſcurſus expeditos reddat, & faciat obſequentes ſed dixiſſe ſuffecerat, Eſtote præcincti; cur lumbos potiſſimum nominat? cur tanta iubentis reverentiâ lumborum facit magnoperè mentionem? Quæris, quare? quia in lumbis eſt tota corporis cauſa; ex lumbis tota carnis negotia ſuſcitantur, in lumbis tota eſt humani lapſus, humanæ fragilitatis occaſio. Inde veni quod virtutis ignaros reddit, efficit ſegniores.

R. Sint lumbi.

*Lectio ix.*

**H**inc eſt ergo, quòd principaliter Dominus lumbos noſtros aſtringi iubet balteo caſtitalis, & totum carnis noſtræ pendulum fluidum, reſolutum conſtringi mandat continua zona virtutis; ut carne ſuccincta, ad Domini occurſum liber, velox, expeditus noſtræ men-

tis reddatur inceſſus. Hæc tamen audiens homo ſcire debes, quia te non retardat ab occurſu Dei caro: quia ipſius occurſus, officii ipſius eſt inſeparabilis comes, ſi tu ejus componas ſarcinas, ſi releves onera ejus, ſi pendula & ſinuofa involtira ejus tu providus viator aſtringas. Te Deum laudamus.

FERIA SEXTA

Infra Octavam S. Stanislai  
Koſtkæ.

*In ſecundo Nocturno.*

Ex libro Moralium ſancti  
Gregorii Papæ.

*lib. 10. c. 16. in Cap. 12. Job.*

*Lectio iv.*

**B**enè juſti ſimplicitas, & lampas eſſe dicitur, & contempta: lampas, quia interiorius lucet; & contempta, quia exteriorius non lucet. Intus ardet flamma charitatis, foris nulla gloria reſplendet decoris. Lucet ergo, & deſpicitur, qui flagrans virtutibus, abjectus æſtimatur. Sed uſquequò lampas iſta contemnitur? uſquequò deſpiciabilis habetur? numquid non fulgorem ſuum nullatenus exerit, & numquam quanta claritate candeat, oſtendit? Oſtendit planè; nam protinus additur: parata ad tempus ſtatutum. Statutum quippe contemptæ lampadis tempus, eſt extremi iudicii prædeſti-

destinatus dies, quo justus quisque, qui nunc despiciatur, quanta potestate fulgeat, demonstratur.

R. Honestum fecit.

*Lectio v.*

**T**unc enim cum Deo iudices veniunt, qui nunc pro Deo injuste judicantur. Tunc eorum lux tantò latius emicat, quantò eos nunc manus persequentium durius angustat. Tunc reproborum oculis patefcet, quòd cælesti potestate subnixi sunt, quia terrena omnia sponte reliquerunt. Unde electis veritas dicit: Vos, qui secuti estis me, in regeneratione, cum sederit Filius hominis in sede Majestatis suæ, sedebitis & vos super duodecim sedes, judicantes duodecim tribus Israel. Neque enim plusquam duodecim iudices illa interni confessus curia non habebit, sed nimirum duodenario numero quantitas universitatis exprimitur: quia quisquis stimulo divini amoris excitatus, hinc possessa reliquerit, illic procul dubio culmen iudiciariæ potestatis obtinebit.

R. Amavi eum.

*Lectio iv.*

**H**inc est enim, quòd de sanctæ Ecclesiæ sponso per Salomonem dicitur: Nobilis in portis vir eius, quando sederit cum senatoribus

terræ. Hinc Isaias ait: Dominus ad iudicium veniet cum senioribus populi sui. Hinc eodem seniores Veritas non jam famulos, sed amicos denuntiat, dicens: Non jam dicam vos servos, sed amicos meos. Quos Psalmista inuens, ait: Mihi autem nimis honorati sunt amici tui Deus. Quorum dum celsitudinem cordis aspiceret, mundi gloriam qua calce calcarent, protinus addidit: Nimis confortatus est principatus eorum. Ac ne paucos esse crederemus, quos proficere usque ad summam tantæ perfectionis agnosceremus; illicò adjunxit: Diminuerabo eos, & super arenam multiplicabuntur. Quot itaque nunc pro amore veritatis sese libenter humiliant, tot nunc in iudicio lampades coruscant. R. Iste homo.

*In tertio Nocturno.*

Lectio sancti Evangelii secundum Lucam.

*Lectio vii. Cap. 12.*

**I**n illo tempore Dixit Iesus discipulis suis: Sini lumbi vestri præcincti, & lucernæ ardentes in manibus vestris. Et reliqua.

De Homil. S. Petri Chrysolog.

*Unde supra.*

**C**onstringenda est ergo caro continentia cingulo, ne effusa vitiiis, ac toto peccatorum gravata pondere,

F 2

super-

Supernis & cælestibus infistere non possint incelsibus. Benè Dominus adjecit, Et lucerne ardentes in manibus vestris : quia semper ad innocentia testimonium lucernæ nocturno portantur in tempore : & sicut vitilis amicae semper sunt tenebræ, ita lucernæ semper inimicæ criminibus : sociæ semper boni operis sunt lucernæ.

R. Iste est, qui.

*Lectio viii.*

**S**ED in manibus Sanctorum ipsa bona opera sunt lucernæ, dicente Domino : Sic luceat lux vestra coram hominibus, ut videant vestra bona opera. Et verè portant lucernas suas, verè fomentis operum, verè misericordiae unguento inflammant lampades suas, qui cum loco, propositio, fumo, latitant opere, virtute, dieris coruscant, ac splendent toto orbe terrarum. Et quia expectationis suæ Dominus satis tristes, satis anxios noverat mores, ne quis superaretur tadio, ne quis lassesceret tarditate, ne quis longæ expectationis fatigatione succumberet, perseverantibus beatitudinem cælestem, cæleste promittit obsequium.

R. Sini lumbi.

*Lectio ix.*

**E**T ne ipsius beatitudinis qualitas haberetur incer-

ta, mox adjecit : Amen dico vobis, quia præcinget se & faciet illos discumbere, & transiens ministrabit eis. Præcinget se Deus, & faciet servos discumbere, & ministrabit eis. En mutatio inaudita rerum, en terribilis correptio dominationis, en pavenda conversio servitutis, quia parumper servus astitit in domini sui expectatione succinctus, & sustinendi fidem brevi fatigatione portavit ; cui ut talionem redderet. diffimulat se in ipsa divinitate divinitas.

Te Deum Laudamus.

SABBATO INFRA

Octavam S. Stanislai Koskæ.

*In secundo Nocturno.*

Sermo S. Bernardi Abbatis.

*Serm. I. de s. victore.*

*Lectio iv.*

**S**ANCTI Stanislai vita, & gloria specialis, non tam ad gloriam, quàm ad virtutem provocat omnes, qui recti sunt corde. Non recti planè, sed perversi est animi, antè quærere gloriam, quàm exercere virtutem ; & velle coronari, qui legitimè non certaverit. Vanum est vobis, inquit, ante lucem surgere. Ita est : frustra ad celsitudinem nititur gloria, qui prius non claruit virtute. Frustrà fatuæ virgines sponso obviam surgunt, quarum lampades extinguuntur : & ideò fatuæ,



fatuæ, quia vacuis gloriantur lampadibus, virtutem oleum non habentes.

R. Honestum fecit.

*Lectio v.*

**V**irtus gradus ad gloriam: virtus mater gloriæ est.

Fallax gloria, & vana est pulchritudo, quam illa non parturivit. Sola est, cui gloria jure debetur, & securè impenditur. Sancto Stanislao nec virtus, nec gloria deest: sed quemadmodum ambæ tres, & quo ordine in homine processerunt, id operæ pretium intueri. Habemus enim, dilectissimi, in vita Stanislai & quod dignè miremur, & quod salubriter imitemur. Tutius sanè æmulanda solidiora, quàm sublimiora, & quæ magis virtutem redoleant, gloriam minùs. Studeamus proinde moribus conformari, cui in mirabilibus similari, etsi volumus, non valemus.

R. Amavit eum.

*Lectio vi.*

**Æ**mulemur in viro sobrium victum, devotum affectum; æmulemur mansuetudinem spiritûs, castimoniam corporis, oris custodiam, animi puritatem, ponere frænum iræ, & modum linguæ, dormire parcius, orare frequentius, commovere nosmetipsos psalmis, hymnis, & canticis spiritua-

libus, diebus jungere noctes, & divinis laudibus occupare; æmulemur charismata meliora. Æmulemur, inquam, quòd extitit liberalis in pauperes, patiens ad peccantes, benignus ad omnes. Hoc enim melius. In his forma est, cui imprimamur: in miraculis gloria, à qua reprimamur. Illa lætificent, ista ædificent; moveant illa, ista promoveant.

R. Ille homo.

*In tertio Nocturno.*

Lectio sancti Evangelii secundum Lucam.

*Lectio vii. Cap. 12.*

**I**n illo tempore: Dixit JESUS discipulis suis: Sint lumbi vestri præcincti, & lucernæ ardentes in manibus vestris. Et reliqua.

De Homilia S. Petri Chrysologi.

*Unde supra.*

**D**iscumbenti homini Deus adstat, & adstat in cælestibus: epulanti servo servit Dominus, & servit accinctus: pueris suis, ministris suis ministerium facit Christus, & facit in Patris jam gloria constitutus. Homo calumniaris: est adhuc quòd deulerit Patri, qui tibi in terra lavando pedes extremum representavit obsequium, & re-promittit in cælestibus novissimam servitutem. Ille tibi in cælestibus parat convi-

vium, se ministro; & tu illi in terra non desinis continuas ingerere & generare blasphemias.

R. Iste est, qui.

*Lectio viii.*

**F**ACIET & ille transitus suos, quia transiens ministrabit illis; de dominatione ad fidelium suorum pia transiet & migrabit obsequia; ad te de misericordii Patre severissimum transibit in iudicem. Confitentibus, expectantibus ministrabit epulas; ministrabit & tibi, sed dignam de tua negatione sententiam. Si in secunda & tertia vigilia venerit. Vigiliis mundus plures, tres tantum vigiliis novit expectatio Trinitatis. Quare tamen à secunda coepit, & tacuit primam? Quia prima jam vigilia in ortu Dominicæ nativitatis excesserat.

R. Sint lumbi.

*Lectio ix.*

**P**ROBANT hoc Pastores, qui dum supra gregem suum vigilant, gregis ipsum pastorem in præsepio invenire, videre, tenere merentur, & auctorem. Sed quæ sit secunda & tertia vigilia requiramus. Sicut utique prima vigilia est sui ortus in carne, ita secunda est vigilia, qua nostra redit & resuscitatur in carne. Denique ut ad resurgentem veniat, annus excitatur & evigilat mundus.

Tertia vigilia est illa, qua expectatio tota novissimo venientis finitur adventu: ut sicut ille resurrexit nobis, ita nos illi jam perpetuam resurgamus ad vitam.

Te Deum laudamus.

Dominica secunda.

à DIE XIII. NOVEMBRIS.

IN DIE OCTAVA

S. Stanislai Kostkæ.

*In secundo Nocturno.*

De Sermone S. Bernardi  
Abbatis.

*Serm. 2. de S. Victore.*

*Lectio iv.*

**G**AUDETÉ in Domino, dilectissimi, qui inter continua suæ pietatis beneficia indulget hominem mundo, cujus multi salvarentur exemplo. Iterum dico gaudete, quod factus de medio appropriavit Deo, ut multò plures ejus intercessione salventur. In terris visus est, ut esset exemplo: in cœlum levatus est, ut sit patrociniò. Hic informat ad vitam, illic invitatur ad gloriam. Factus est mediator ad regnum, qui fuit incitator ad opus. Bonus mediator, qui sibi jam postulans nihil, totum in nos transferre desiderat, & supplicantis affectum, & supplicationis fructum. Quid enim quærat sibi, qui nullius eget?

R. Honestum fecit.

*Lectio*

*Lectio v.*

**H**Æc dies gloriosæ migrationis ejus; dies lætitiæ cordis ejus: exulemus, & lætemur in ea. Introivit in potentias Domini, gaudeamus: quia nunc potentior est ad salvandum. Hodie Stanislaus pōsito corpore tanto alacrior, quanto expeditior penetravit in sancta, similis factus in gloria Sanctorum. Hodie despecto mundo, & mundi principe triumphato, supra mundum victor ascendit, accipiens de manu Domini coronam victoriæ. Ascendit autem cum immensa suppellectili meritorum, clarus triumphis, miraculis gloriosus. Sedet veteranus miles, debita jam suavitate & securitate quietus: securus quidem sibi, sed nostris sollicitus. O venerandam ipsis Angelis sanctitatem, quam pari studio, etsi dispari voluntate, & mali fugitant, & frequentant boni. Nec facile dixerim, quid virum astruat sanctiorem, horum favor, aut pavor illorum.

R. Amavit eum.

*Lectio vi.*

**O**Miles emeritæ, qui Christianæ militiæ duris laboribus Angelicæ felicitatis requiem commutasti: respice ad imbelles & imbecilles commilitones tuos, qui in-

ter hostiles gladios, & spirituales nequitias tuis laudibus occupamur. Quàm pium, quàm dulce, quàm suave, ô Stanislæ in hoc loco afflictionis, & in hoc corpore mortis te canere, te colere, te precari Nomen tuum, & memoriale tuum, favus distillans in labiis captivorum; mei & lac sub lingua eorum, qui tui memoria delectantur. Eja ergo fortis Athleta, dulcis patronæ, advocate fidelis, exurge in adjutorium nobis; ut & nos de nostra ereptione gaudeamus, & tu de plene victoriæ glories.

R. Iste homo.

*In tertio Nocturno.*

Lectio sancti Evangelii secundum Lucam.

*Lectio vii. Cap. 12.*

**I**N illo tempore: dixit Jesus discipulis suis: Sint lumbi vestri præcincti, & lucernæ ardentes in manibus vestris. Et reliqua.

Homilia sancti Fulgentii Episcopi.

*Ex serm. de confess.*

**S**I istum Domini sermonem secundum litteram velimus accipere, nihil in eo commodi spiritualis possumus invenire. Quid enim proficit ad animæ salutem, si aliquis corporaliter aut lumbos præcingat, aut lucernam accendat? In lumbis itaque concupiscentia carnalis ostendit;

stenditur, in lucernis verò fides & charitas Christiana monstratur. Jubens igitur Dominus lumbos nostros præcingi, concupiscentias carnis sine dubio præcipit refrænari. Imperans autem ut lucernas ardentes habeamus, hoc utique jubet, ut & lumine veræ fidei splendeamus, & sanctæ charitatis operibus ferveamus.

R. Iste est, qui.

*Lectio viii.*

**I**sta, quæ de Evangelio proposuimus, cum propheti-  
cis sermonibus conferamus. Utrumque enim Testamentum Deus instituit, unus Dominus dedit: etsi sunt utriusque Testamenti diversa pro temporibus sacramenta, concordat tamen in utroque salutis humanæ sententia, qua præcipitur, ut non peccemus, & jubetur, ut bonis operibus insistamus. Per Isaiam Dominus omnes his admonet verbis: Auferte malum cogitationum vestrarum ab oculis meis, quiescite perversè agere, discite benefacere. Quid est enim, sint lumbi vestri præcincti, nisi, quiescite agere perversè? Quid est, sint lucernæ ardentes, nisi, discite benefacere?  
R. Sint lumbi.

*Lectio nona legitur de Homilia Dominicæ occurrentis, cujus etiam sit commemora-*

*tio in utrisque Vesperis, & Laudibus.*

DIE XV. NOVEMBRIS.

B. Josaphat Archiepisc. Florentis, & Martyris.

Dupl. min.

*Omnia præter Orationem de Communi unius Martyris.*

*Oratio.*

**O**Mnipotens sempiterne Deus, qui beatum Josaphat palma martyrii condecorando, Ecclesiæ Catholicæ novum apud te intercessorem providisti: quæsumus; ut ejus meritis & auxilio à malis omnibus liberati tuo nomini studiosius serviamus.  
Per Dominum

*In primo Nocturno, Lectiones de Script. occurrente.*

*Lectiones secundi Nocturni: Principes persecuti sunt. de Communi unius Martyris.*

*In tertio Nocturno Homilia in Evang. Si quis vult: de eodem Communi.*

DIE XVII. NOVEMBRIS.

Beatæ Salomæ Virg.

Dupl. min.

*Omnia de Communi unius Virginis. Oratio. Exaudi.*

*Lectiones primi Nocturni de Scriptura occurrente.*

*Lectiones ii. & iii. Nocturni de eodem Communi primo loco.*

DIE XIX. NOVEMBRIS.

S. Elisabeth Viduæ.

Dupl. min.

*Omnia ut habentur in Brevariario.*

DIE

## DIE XXX. NOVEMBRIS.

In festo S. Andreae Apostoli,  
Patroni Diocesis Varmien.

Duplex primæ Classis  
cum Octava.

*In primo Nocturno, Lectio-  
nes de Epistola B. Pauli ad Ro-  
manos, ut in Breviario cum  
suis Responsoris.*

*In secundo Nocturno. Lect. iv.  
ut in Brev. usque ad verba:  
Post Patras Achaiae profes-  
sus, exclusivè.*

*Lectio v.*

Ex Actis Ecclesiarum Achaiae.

Passionem sancti Andreae  
Apostoli, quam oculis  
nostris vidimus, omnes Pres-  
byteri & Diacones Ecclesia-  
rum Achaiae scribimus. Uni-  
versis Ecclesiis, quæ sunt in  
Oriente & Occidente, & Me-  
ridiano, & Septentrione in  
Christi nomine constitutis,  
Pax vobis, & universis, qui  
credunt in unum Deum, in  
Trinitate perfectum. Cùm  
Pro-Consul Ægeas Patras ci-  
vitatem ingressus esset, cœ-  
pit compellere credentes  
Christo ad sacrificia idolorum  
Huic occurrens san-  
ctus Andreas, oportebat, ait,  
ut & tu, qui Judex esse ho-  
minum comprobaris, judi-  
cem tuum, qui est in cœlo,  
cognosceres, & agnitum co-  
leres, & colendo eum, qui  
verus Deus est, ab his, qui  
veri dii non sunt, animum re-  
vocares. R. O bona crux,

*Pars Antum.*

*Lectio vi.*

Quo audito Ægeas dixit:  
Tu es Andreas, qui de-  
struis templa deorum, &  
suades hominibus supersti-  
tiosam illam sectam, quam  
nuper detectam Romani Prin-  
cipes exterminari jusserunt?  
Andreas respondit: Romani  
Principes nondum cognove-  
runt hoc, quod pro salute  
hominum veniens Filius Dei  
docuerit idola non solum  
deos non esse, sed esse dæ-  
monia inimica humano ge-  
neri. Ægeas iratus: ista su-  
perstitiosa, & vana verba  
Jesus vester dum prædicaret,  
Judæi illum crucis patibulo  
affixerunt. Andreas contra:  
O si velles scire mysterium  
crucis, quàm rationabili  
charitate author humani ge-  
neris, pro restauratione no-  
stra hoc crucis patibulum  
non invitus, sed sponte susce-  
pit, secus sentires.

R. Expandi manus meas.

*In tertio Nocturno.*

*Lectiones ut in Breviario.*

Officium secundum.

*In primo Nocturno. Lectio-  
nes de Scriptura occurrente.*

*In secundo Nocturno.*

*Lectio iv.*

Ægeas furens jussit Andre-  
am in carcerem retru-  
di: unde populus eum faci-  
le liberasset, nisi ipse obsti-  
tisset, vehementiùs rogans  
ne se ad optatissimam mar-

G

tyrii

tyrii coronam properantem impedirent. Mane facto Ægeas Apostolum ad se adduci præcepit, perseverantemque in sententia flagellis cædi, & cruci affigi mandavit, ita, ut ligatis pedibus ac manibus quasi in equuleo tenderetur: ne clavis affixus citò deficeret, sed potius longo cruciatu conficeretur. R. Homo Dei.

*Lectio v.*

**C**um pervenisset ad locum Andreas, ubi crux parata erat, videns eam à longè, exclamavit voce magna, dicens: Salve crux, quæ in corpore Christi dedicata es, & ex membrorum ejus margaritis ornata. Antequam te ascenderet Dominus, timorem terrenum habuisti: modo verò amorem cœlestem obtinens, quanta in te gaudia habes, quanta munera præparata? Securus ergo & gaudens venio ad te, ita ut & tu exultans suscipias me discipulum ejus, qui pependit in te, quia amator semper tuus fui, & desideravi amplecti te. R. O bona crux.

*Lectio vi.*

**O** bona crux, quæ decorem & pulchritudinem de membris Domini suscepisti, diu desiderata, sollicitè amata, sine intermissione quæsita, & aliquando jam concupiscenti animo præparata, accipe me ab homini-

bus, & redde me Magistro meo, ut per te me recipiat, qui per te redemit me. Et hæc dicens expoliavit se, & vestimenta sua tradidit carnificibus. Qui accedentes levaverunt eum in crucem, & extendentes funibus totum corpus ejus (sicut ejus jussum fuerat) suspenderunt. R. Expandi manus meas.

*In tertio Nocturno.*

Lectio sancti Evangelii secundum Matthæum.

*Lectio vii. Cap. 4. c.*

**I**n illo tempore: Ambulans Iesus juxta mare Galilææ, vidit duos fratres, Simonem, qui vocatur Petrus, & Andream fratrem ejus, mittentes rete in mare. Et reliqua.

Homilia S. Joannis Chrysostomi.

*Ex Homilia 14. in c. 4. Matth.*

**P**erpende & fidem, & obedientiam vocatorum, & cognosces, quàm dulcis sit piscatio: siquidem in medio ipsius operis constituti cum illum audissent jubentem, nihil distulerunt, nihil omnino cunctati sunt. Non dixerunt: Revertemur domum, loquemur propinquis, sed cuncta illico relinquentes fecerunt, quod Helisæus quoque sub Helia legitur implevisse. Talem quippe à nobis obedientiam Christus efflagitat, ut neque punctum temporis differamus, etiamsi nos

nos aliquid necessarium urgere videatur.

R. Oravit sanctus Andreas.

*Lectio viii.*

PROPTER quod & alium quemdam accedentem se, & rogantem, ut ad sepeliendum patrem rediret, ne id quidem facere permisit, ostendens, quia Christus sit etiam cunctis necessitatibus præferendus. Sed dicas forsitan, maxima fuisse promissa. Et hoc est, propter quod illos maximè admiror. Quia enim nondum signum aliquod factum fuisse viderunt, tam firmiter tamen promissionis magnitudinem crediderunt, ut etiam Christum sequi rebus omnibus anteferrent, & illis quippe ipsis, quibus capti sunt, verbis facile crediderunt, alios quoque per eadem à se capiendos. R. Videns crucem.

*Lectio ix.*

PETRO igitur & Andrea hoc promissit, Jacobo verò & Joanni nihil tale pollicitus est. Siquidem obedientia præcedentium, his quoque ad credendum iter paravit. Vide autem, quàm etiam diligenter inopiam eorum Evangelista signaverit: Invenit, inquit, rescientes retia sua. Tanta erat egestatis magnitudo, ut vetera contexerent, quia emere nova nequibant. Nec sanè parva

hæc sunt documenta virtutis, facile omnem tolerare pauperiem, de justis laboribus vivere, muqua sibi charitate connecti, secum habere inopem patrem, atque in ejus obsequio laborare.

Te Deum laudamus.

OFFICIUM TERTIUM.

*In primo Nocturno, Lectiones de Scriptura occurrente.*

*In secundo Nocturno.*

*Lectio iv.*

SANCTO itaque Andrea per biduum in cruce pendente, Christumque liberè prædicante, omnis populus cum clamore ad domum Ægeæ vadit clamitans, virum sanctum, pudicum, ornatum moribus, doctorem bonum, pius, modestum, rationabilem, hoc minimè debere pati, sed debere deponi de cruce, quia jam secunda die in cruce positus veritatem prædicare non cessaret.

R. Homo Dei.

*Lectio v.*

TUNC Ægeas pavescens populum, ad crucem accessit volens ex ea Apostolum deponere. Cui Andreas: Quid tu, inquit, Ægea ad nos venisti? Si vis credere Christo, sicut promissi, aperietur tibi via indulgentiæ; si autem idcirco huc accessisti, ut me solvas, ego penitus ab hac cruce vivus deponi non potero; jam enim Regem meum

meum video, jam adoro, jam conspectui ejus afflito. Mitteres autem ad crucem carnifices manus non potuerunt attingere; stupebant enim brachia eorum, quicunque ea exendissent ad solvendum Apostolum.

R. O bona crux.

*Lectio vi.*

**C**onvertens igitur se ad Dominum Apostolus orabat: suscipe me Christe, Magister meus, quem dilexi, quem cognovi, quem confiteor, quem adoro, quem cernere desidero, quo sum, quod sum. Suscipe Domine Jesu Christe spiritum meum in pace, quia tempus adest, ut veniam ad te, desiderans videre te. Et cum hoc dixisset, videntibus cunctis splendor nimis circumdedit eum, ut eum oculi humani, præclaritate, aspicere non valerent. Cumque dimidia hora splendor remansisset, jam jamque evanesceret, sanctus Andreas, unâ cum lumine pergens ad Dominum, beatum emisit spiritum.

R. Expandi manus meas.

*In tertio Nocturno.*

**Lectio sancti Evangelii secundum Matthæum.**

*Lectio vii. Cap. 4. c.*

**I**n illo tempore: Ambulans Jesus juxta mare Galilææ, vidit duos fratres, Simonem, qui vocatur Petrus, & An-

dream fratrem ejus, mittentes rete in mare. Et reliqua. Homilia S. Bernardi Abbatis.

*Ex serm. 2. de S. Andrea paulo post initium.*

**A**udisti certè, cum pervenisset beatus Andreas ad locum, ubi crux parata erat, quomodo confortatus sit in Domino, & per Spiritum, quem unâ cum cæteris Apostolis in igneis linguis acceperat, verba certè ignea loqueretur. Videns ergo paratam eminus crucem, nequaquam facies ejus expalluit, non steterè comæ, aut vox faucibus hæsit, non contremuit corpus, non recessit, ut assolet, intellectus, ex abundantia cordis os locutum est, & charitas, quæ fervebat in corde, quasi scintillas quasdam ardentissimas emittebat in voce.

R. Oravit sanctus Andreas.

*Lectio viii.*

**Q**uid enim beatus Andreas, cum sibi paratam, ut dixi, crucem eminus cernebat, loquebatur? O crux, inquit, diu desiderata, securus, & gaudens venio ad te, ita ut & tu exultans suscipias me discipulum ejus, qui pendit in te, quia amator tuus semper fui, & desideravi amplecti te. Obsecro fratres, homo est, qui loquitur hæc, an non est homo sed Angelus, aut nova aliqua crea-



creatura? Homo planè similis nobis passibilis. Nam passibilem passio ipsa testatur, qua appropinquante lætitudus exultat.

R. Videns crucem.

*Lectio ix.*

UNde ergo in homine nova hæc exultatio? unde in tanta fragilitate tanta constantia? Absit, ut à seipso tantam ei credamus virtutem. Donum perfectum est à Patre luminum, ab eo utique, qui fecit mirabilia magna solus. Planè spiritus erat dilectissimi, qui adjuvabat infirmitatem, per quem diffundebatur in corde ipsius

fortis charitas ut mors, imò & fortior morte. Cujus o si & nos participes inveniamur! Ecce enim molestus est nobis poenitentiae labor, corporis afflictio gravis, abstinentia onerosa, in vigiliis dormit anima nostra præ tædio, non ob aliud sanè, quàm propter inopiam spiritus: ipse enim si adesset, adjuvaret infirmitatem nostram. Quæramus igitur hunc spiritum fratres, imò, ut, quem habemus, abundantius habeamus. Quicumque enim spiritum Christi non habet, hic non est ejus.

Te Deum laudamus.

## OFFICIA PROPRIA SS. PATRONORUM REGNI SUECIAE.

MENSE SEPTEMBRI.

Dominica proxima post festum S. Matthæi celebratur festum Reliquiarum in Ecclesia Upsalensi.

*Omnia dicuntur ut in Comuni plurimorum Martyrum, præter ea quæ hic assignantur.*

*Oratio.*

PROpitiare, quæsumus Domine, famulis tuis per merita gloriosæ Virginis Mariæ, & beatorum Martyrum Laurentii, Erici, & omnium Sanctorum tuorum, quorum Reliquiæ in hac conti-

nentur Ecclesia, ut eorum pia intercessione ab omnibus semper protegatur adversis. Per Dominum.

*Deinde fit commemoratio Dominicæ occurrentis.*

*In primo Nocturno.*

De Actibus Apostolorum.

*Lectio i. Cap. 5. 6*

PER manus autem Apostolorum fiebant signa, & prodigia multa in plebe. Et erant unanimiter omnes in porticu Salomonis. Cæterorum autem nemo audebat se conjungere illis, sed magnificabat

eos populus. Magis autem augebatur credentium in Domino multitudo virorum, ac mulierum ita ut in plateas eicerent infirmos, & ponerent in lectulis, & grabatis, ut, veniente Petro, saltem umbra illius obumbraret quemquam illorum, & liberarentur ab infirmitatibus suis. Concorrebat autem & multitudo vicinarum civitatum Jerusalem, afferentes ægros, & vexatos à spiritibus immundis, qui curabantur omnes.

R. Absterget Deus.

*Lectio ii. Cap. 19. b*

**I**ntrogressus Paulus synagogam, cum fiducia loquebatur per tres menses disputans, & suadens de regno Dei. Cum autem quidam indurarentur, & non crederent, maledicentes viam Domini coram multitudine, discedens ab eis, segregavit discipulos, quotidie disputans in schola tyranni cujusdam. Hoc autem factum est per biennium, ita ut omnes, qui habitabant in Asia, audirent verbum Domini, Judæi atque Gentiles. Virtutesque non quaslibet faciebat Deus per manum Pauli: ita ut etiam super languidos deferrentur à corpore ejus sudaria, & semicinctia, & recedebant ab eis languores & spiritus nequam egrediebantur.

R. Viri sancti.

*Lectio iii.*

**T**entaverunt autem quidam & de circumeuntibus Judæis exorcistis, invocare super eos, qui habebant spiritus malos, nomen Domini Jesu, dicentes: Adjuro vos per Jesum, quem Paulus prædicat. Erant autem quidam Judæi Scevæ principis sacerdotum septem filii, qui hoc faciebant. Respondens autem spiritus nequam, dixit eis: Jesum novi, & Paulum scio: vos autem qui estis? Et insiliens in eos homo, in quo erat dæmonium pessimum, & dominatus amborum invaluit contra eos, ita ut nudi & vulnerati effugerent de domo illa. Hoc autem notum factum est omnibus Judæis, atque Gentilibus, qui habitabant Ephesi: & cecidit timor super omnes illos, & magnificabatur nomen Domini Jesu. Multique credentium veniebant confidentes, & annuntiantes actus suos. R. Tradiderunt.

*In secundo Nocturno.*

De Sermone S Gregorii Papæ.

*Homilia 32. in Evangelia.*

*Lectio iv.*

**A**D sanctorum Martyrum corpora consistimus, fratres mei. Numquid isti carnem suam in mortem darent, & nisi eis certissime constitisset esse vitam, pro qua mori debuissent? Et ecce, qui ita credi-

crediderunt, miraculis coruscant. Ad extincta namque eorum corpora viventes ægri veniunt, & sanantur; perjuri veniunt, & dæmonio vexantur: dæmoniaci veniunt, & liberantur. Quomodo ergo vivunt illic ubi vivunt, si in tot miraculis vivunt hic, ubi mortui sunt?

*Lectio v.*

**Q**uod videri potest, melius dicitur sciri quam credi. Venturam ergo vitam nos Dominus voluit magis scire quam credere: qui eos quos invisibiliter recepit, apud se vivere nobis etiam visibiliter ostendit. Hos ergo, fratres charissimi, in causa vestri examinis, quam cum districto iudice habetis, patronos facite: hos in die tanti terroris illius defensores adhibete. Certè si apud quemdam magnum iudicem causa quælibet vestra esset die crastina ventilanda, totus hodiernus dies in cogitatione duceretur: patronum vestra fraternitas quæreret, magnisque precibus ageret, ut apud tantum iudicem sibi defensor veniret.

R. Verbera carnificum.

*Lectio vi.*

**E**cce districtus iudex venturus est: tanti illius Angelorum, Archangelorumque concilii terror adhibetur. In illo conventu causa nostra

discutietur: & tamen nos patronos modò non quærimus, quos tunc defensores haberemus. Adsunt defensores nostri sancti Martyres, rogari volunt, atque, ut ita dixerim, quærunt ut quærantur. Hos ergò auditores orationis vestræ quærite, hos protectores vestri reatus invenite: quia ne punire peccatores debeat, rogari vult & ipse, qui iudicat. Unde & tam longo tempore comminatur iram, & tamen misericorditer expectat. Sic autem nos misericordia ejus refoveat, ut nullo modo negligentes reddat: sic privata nostra perturbent, ut mens in desperationem non proruat: quia etsi præsumentes metuimus, & metuentes speramus, æternum regnum citius adepturi sumus per eum, qui vivit & regnat in sæcula sæculorum.

R. Tamquam aurum.

*In tertio Nocturno.*

Lectio sancti Evangelii secundum Lucam.

*Lectio vii. Cap. 6. c*

**I**n illo tempore: Descendens Jesus de monte, stetit in loco campestri, & turba discipulorum ejus, & multitudo copiosa plebis ab omni Judæa, & Jerusalem, & maritima, & Tyri, & Sidonis. Et reliqua.

De Homilia S. Bernardi Abb.

*In festo omnium Sanctorum.*

**L**Egimus in Evangelio hodie, quoniam videns turbas Iesus, ascendit in montem. Prædicantem enim Dominum de civitatibus & castellis populi sequebantur: quorum salvabat animas, sanabat & corpora, & adhærebant ei, affatu pariter & aspectu illius delectati: cuius nimirum vox suavis, & facies decora, sicut scriptum est: Speciosus forma præ filiis hominum, diffusa est gratia in labiis tuis. Talis est, quem nos sequimur, cui adhæremus, totus desiderabilis, in quem non solum populi, sed & ipsi quoque Angeli sancti desiderant prospicere.

*R.* Propter testamentum.

*Lectio viii.*

**Q**uid vobis suavius apponemus? Nimirum hæc sunt deliciae Angelorum. Gustate proinde & videte, quoniam suavis est Dominus. Et huic suavitati, huic sapor, huic sapientiæ, quæ trahitur de occultis, omne quod desideratur, non valet comparari. Quid enim miraris in sole splendorem, in flore pulchritudinem, in pane saporem, in terra fecunditatem? Sed à Deo hæc universa dona sunt: nec dubium, quin multo amplius reserverit sibi, quàm dederit creaturis. *R.* Sancti mei.

*Nona Lectio dicitur de Homilia Dominica occurrentis.*

**DIE VI. OCTOBRIS.**

**In Translatione sancti Æschili Episcopi & Martyris.**

*Duplex.*

*Omnia de Communi unius Martyris, præter ea quæ sequuntur.*

*Hymnus:*

**J**AM dies adest celebris,  
Nova resultant cantica:  
Quia fugatis tenebris,  
Regnat fides Catholica.  
Gaude parens Britannia  
De tantæ prolis munere:  
Exulta magis Suecia  
De novo lucis sidere.  
Æschilus signis emicat,  
Ritus confutans gentium,  
Christum auctorem prædicat

Et Salvatorem omnium,  
Verbis, exemplis claruit,  
Saluti studens omnium,  
Tandem mortem sustinuit,  
Migrans felix ad gaudium.  
Tibi sit laus & gloria,  
Corona triumphantium:  
Nos Æschili prece pia  
Duc ad cœli palatium.

*Amen.*

*Ps.* Gloria & honore coronasti eum Domine.

*R.* Et constituisti eum super opera manuum tuarum.

*Ad Magnificat, Antiph.*

Æschile flos Præsulorum, pater pietatis, Clericorum speculum, doctor veritatis, tuæ replet sæculum fama sanctitatis:

tatis : junge tuum populum  
civibus beatis.

*Oratio.*

**D**EUS, qui beatum Æschilum Pontificem tuum pro fidei dilatatione, martyrium subire voluisti : præsta, quæsumus, ut omnes, qui ejus implorant auxilium, petitionis suæ salutarem consequantur effectum. Per Dominum.

*Ad Matutinum. Hymnus.*

**Æ**Schili pro victoria  
Gaude Mater Ecclesia,  
Christi suffulta gratia  
Devota fac tripudia.

Pius, devotus, humilis,  
Vivendi formam præbuit;  
In lege Dei oculis,  
Verbis, exemplis claruit.

In fide luxit omnibus  
Per signa, per prodigia;  
Mundum calcans sub pedibus

Manum misit ad fortia.  
Mors corporis contemnitur,  
Dum Christi mors attenditur:

Vincit ergo dum vincitur;  
Magis vincit cum moritur.

Tibi sit laus & gloria,  
Corona triumphantium;  
Nos Æschili prece pia  
Duc ad coeli palatium.

Amen.

*In primo Nocturno, Lectio-  
nes de Script. occurrente.*

*In secundo Nocturno.*

De Sermone sancti Ambrosii  
Episcopi.

*Pars Autum.*

*In natali SS. Mart. Nazarii  
& Celsi.*

*Lectio iv.*

**L**icet hic tantus Christi testis, Vexionensium peculiaris putetur privilegio sepulchri, sed omnium est communione suffragii. Neque enim istius urbis charitas profua, & fidei avara, tantum huic Martyri derogaverit, dum sibi arrogat, ut solum erga mœnia sua patrocinii illius beneficia affutura esse crediderit. Non clauditur locis, quod diffunditur meritis. Invocasti ubique Martyrem, ubique te exaudit ille, qui honoratur in Martyre. Moderante itaque eo qui pensat vota tua, & dispensat munera sua, in tantum vicina præsentia efficacis præbebitur advocati, in quantum fuerit fides devota suscepti. Oratio enim, quæ castitatis, justitiæ, elemosynarum operibus adjuvatur, excedit mundum, penetrat paradysum, evolat usque ad ipsum summæ Majestatis, Angelo conferente conspectum. R. Honestum fecit.

*Lectio v.*

**Q**uæ cum ita sint, honoramus beatos Martyres, principes fidei, intercessores mundi, præcones Regni, cohæredes Dei. Quod si dicas mihi: Quid honoras in carne jam resoluta atque consum-

H

sum-

sumpta, de qua jam nulla Deo cura est? Et ubi est illud, charissimi, quod ipsa Veritas loquitur per Prophetam? Pretiosa, inquit, in conspectu Domini mors Sanctorum ejus. Et iterum: Mihi autem valde honorificati sunt amici tui, Deus. Honorare debemus servos Dei, quantum magis amicos Dei? de quibus alio loco dicitur: Dominus, inquit, custodit omnia ossa eorum, & unum ex his non conteretur.

R. Desiderium animæ.

*Lectio vi.*

**H**onoro igitur in carne Martyris exceptas pro Christi nomine cicatrices: honoro viventis memoriam in perennitate virtutis: honoro in cineribus semina æternitatis: honoro corpus, quod mihi Dominum meum ostendit diligere, quod me propter Dominum mortem docuit non timere. Cur autem non honorent corpus illud fideles, quod reverentur & dæmones? quod & affixerunt in supplicio, sed glorificant in sepulchro? Honoro itaque corpus, quod Christus honoravit in gladio, quod cum Christo regnabit in cælo.

R. Stola jucunditatis.

*In tertio Nocturno.*

Lectio S. Evangelii secundum Joannem.

*Lectio vii. Cap. 10. 6*

**I**n illo tempore: Dixit Jesus Pharisæis: Ego sum pastor bonus. Bonus pastor animam suam dat pro ovibus suis. Et reliqua.

Homilia S. Gregorii Papæ.

*Homilia 17.*

**A**d messem multam operarii pauci sunt, quod sine gravi mœrore loqui non possumus. Quia etsi sunt, qui bona audiunt, desunt tamen qui dicant. Ecce mundus sacerdotibus plenus est, sed tamen in messe Dei rarus valde invenitur operator: quia officium quidem sacerdotale suscipimus, sed opus officii non implemus. Fructus quippe sanctæ Ecclesiæ in stipendio quotidiano percipimus, sed tamen pro æterna Ecclesia minimè in prædicatione laboramus.

R. Gaude felix Suecia, lauda Salvatorem, quia de Britannia tibi dat pastorem. \* Qui vas plenum gratia Christi dat odorem.

ψ. Erranti tibi sit divinum dux in amorem. Qui vas.

*Lectio viii.*

**P**ensemus ergo, cujus damnationis sit, sine labore hic percipere mercedem laboris. Pensemus, cujus sit apud Deum criminis, peccatorum pretium manducare, & nihil contra peccata prædicando agere. Pensemus ergo:

ergo : qui umquam per linguam nostram conversi ? qui de perverso suo opere , nostra increpatione correpti , pœnitentiam egerunt ? quis luxuriam ex nostra eruditione deseruit ? quis avaritiam , quis superbiam declinavit ? Pensemus , quod lucrum Deo facimus nos , qui accepto talento , ab eo ad negotium missi sumus Etenim dicit : Negotiamini , dum venio.

R. Transiit ab exilio mundi rubicatus , in cœli rosario dignè transplantatus. \* Bino pollens præmio gaudet laureatus.

V. Qui gregis sui ante Deum excuset reatus. Bino pollens. Gloria Patri. Bino.

*Lectio ix*

**E**Cce jam venit, ecce de nostro negotio lucrum requirit. Quale ei animarum lucrum de nostra negotiatione monstrabimus ? Quot ejus conspectui animarum manipulos de prædicationis nostræ segete illaturi sumus ? Ponamus ante oculos nostros illum tantæ distinctionis diem , quo iudex veniet , & rationem cum servis suis , quibus talenta credidit , ponet. Ecce in majestate terribili inter Angelorum choros videbitur. In illo tanto examine electorum omnium & reproborum multitudo deducetur , & unusquisque ,

quid sit operatus , ostendetur. Te Deum laudamus.

*Ad Laudes. Hymnus.*

**S**ummi præcepta Domini  
Contempserunt malevoli,  
Et necem suo Præsuli  
Paraverunt increduli.  
Percussus est lapidibus  
Æschilus, sicut Stephanus;  
Et sic pro occisoribus  
Deum orat humillimus.

Indulge, ait, miseris,  
Pater, dimitte vitia,  
Christe emunda crimina  
Collata indulgentia.  
Dei Martyr egregie,  
Pro nobis Deum postula,  
Ut hunc queamus colere  
In sempiterna sæcula.

Amen.

V. Justus ut palma florebit.

R. Sicut cedrus Libani multiplicabitur.

*Ad Benedictus, Antiph.*

**O** Præsul mitissime, patris lucerna , lux errantis animæ , devios gubernas , ductor gregis optimæ , nos duc ad superna , ubi pascet intime gregem lux æterna.

*Oratio.*

Deus , qui beatum Æschilum 57.

*In ii. Vesp. Ad Magnificat. Antiphona.*

Vale pater patriæ , fidei zelator , turpis idololatriæ felix triumphator , nobilis Ecclesiæ Doctor & fundator , tuæ sis familiæ jugis consolator.

DIE VII. OCTOBRIS.

In festo S. Birgittæ viduæ.  
Duplex.*Ad Vesperas, Antiph.*Dum esset Rex. cum reliquis  
de Communi non Virginum.*Capitulum. Prov. 31. b***M**ulierem fortem quis in-  
veniet? procul, & de  
ultimis finibus pretium ejus.  
Confidit in ea cor viri sui, &  
spoliis non indigebit.*Hymnus.***H**ora confurgit aurea  
Lux absque nube rutilat,  
Regna gaudent æthera,  
Mundus applaudens ju-  
bilat.Nam decor Regni Sueciæ,  
Birgitta clari germinis,  
Clara jam videt facie  
Splendorem veri luminis.**Ex** fructuosa vinea  
Virga processit gracilis,  
In ætate virginea  
Pulchræ Rebeckæ similis.**Spicas** virtutum colligit  
Ruth post terga metentium,  
Quarum se granis reficit  
Intra terram viventium.**Amatrix** innocentæ  
Castum ducens conjugium,  
Cor dedit sapientiæ,  
Vanum postponens gau-  
dium.**J**esu nostra redemptio,  
Fac nos in regnis coelicis  
Hujus Patronæ merito  
Sanctorum frui gaudiis.  
Amen.V. Specie tua, & pulchritu-  
dine tua.R. Intende, prosperè pro-  
cede, & regna.*Ad Magnificat, Antiphona.*Birgitta Christi famula,  
fidelis in officio, tu felix  
Anna vidua, templi vacans  
servitio, Rachel amore fer-  
vida, Jacob placens confor-  
tio, salus ægrotis placida,  
devotis consolatio, splen-  
dens justorum semita, mœ-  
storum recreatio, fiat per tua  
merita grata nostra devotio;  
quæ reseras abscondita, nos  
offer lucis radio.*Oratio.***D**omine Deus noster, qui  
beatæ Birgittæ per Fi-  
lium tuum unigenitum secre-  
ta cœlestia revelasti: ipsius  
pia intercessione da nobis fa-  
mulis tuis, in revelatione  
sempiternæ gloriæ tuæ gau-  
dere lætantes. Per eundem  
Dominum.*In primo Nocturno, Lectio-  
nes de Parabolis Salomonis.  
Mulierem fortem. ut in Com-  
muni.**In secundo Nocturno.  
Lectioes ut in Breviario  
viii. Octobris.**In tertio Nocturno.  
Lectio S. Evangelii secundum  
Matthæum**Lectio vii. Cap. II. d***I**n illo tempore: Respon-  
dens JESUS dixit: Confi-  
teor tibi pater, Domine cœli  
&



& terræ, quia abscondisti hæc à sapientibus, & prudentibus, & revelasti ea parvulis. Et reliqua.

Homilia S. Hilarii Episcopi.

*In idem Evangelium.*

**C**elestium verborum arcana atque virtutes sapientibus absconduntur, & parvulis revelantur: parvulis malitia, non sensu, sapientibus verò stulitiæ suæ præsumptione, non prudentiæ causis. Factique hujus æquitatem Dominus paternæ voluntatis judicio confirmat, ut qui dedignantur parvull in Deo: fieri, stulti deinceps in sapientia sua fiant.

R. O facies Moysaica, solis coruscans radiis, sanctitate magna, magnis clarens prodigiis. \* In requie pacifica sponsi fruens encæniis.

Ps. O sæmina mirifica, continuis lætificas servos tuos præsidis. In requie.

*Lectio viii.*

**A**C ne quid in illo minus, quàm quod in Deo, æstimaretur: omnia sibi à Patre ait tradita esse, solique se Patri cognitum, Patremque soli sibi notum, vel cui ipse revelare voluisset, revelaturus ei, à quo, ut revelare velit, oretur. Qua revelatione tandem utriusque in mutua cognitione esse substantiam docet; cum qui Filium cognosceret, Patrem

quoque cogniturus esset in Filio; quia omnia à Patre ei sint tradita. Tradita autem non alia sunt, quàm quæ in Filio soli nota sunt Patri: nota verò Filio soli esse quæ Patris sunt. Atque ita in hoc mutuae cognitionis secreto intelligitur non aliud in Filio, quàm quod in Patre ignorabile sit, extitisse.

R. O canalem mundissimum, per quem de cœli cardine fluit, ut ros, eloquium ignitum sancto flumine. \* Mentis inflammans hominum interiori lumine.

V. Ora Birgitta Dominum, ut nos post vitæ terminum, cœlorum locet agmine. Mentis. Gloria Patri. Mentis.

*Lectio ix.*

**L**Egis deinde difficultatibus laborantes, & peccatis sæculi oneratos, ad se advocat, dempturumque se laborem onusque promittit, si modò ejus jugum tollant, mandatorum scilicet suorum præcepta suscipiant, eumque sacramento crucis adeant; quia corde humilis & mitis sit, & in his animabus suis requiem inveniant, jugi suavis, & levis oneris blandimenta proponens; ut credentibus ejus boni scientiam præstet, quod solus ipse novit in Patre. Et quid jugo ipsius suavius? quid onere levius? Probabilem fieri scelere

lere abstinere, bonum velle,  
malum nolle, amare omnes,  
odisse nullum, æterna con-  
sequi, præsentibus non ca-  
pi, nolle inferre alteri, quod  
ipsi sibi perpeti sit molestum.  
Te Deum laudamus.

## AD LAUDES.

*Hymnus.*

Cœli perornat gaudia,  
Causam præstat lætitiæ  
Birgitta rosa fulgida,  
Pax & decus Ostgothiæ.  
Beata pauper spiritu  
Palmas extendens pauperi,  
Læto vultus intuitu  
Manum porrexit inopi.  
Soluta matrimonio  
Postquam vir mundo mo-  
ritur,  
Devoto cordis osculo  
Christum sponsum ample-  
ctitur.  
Sponsus dilectam suscitatur,  
Veni, vocans, ad Libanum:  
Surgit amica, properat,  
Regalem petens thalamum.  
Montes petit aromatum  
Hæc affluens deliciis,

Donis plena charismatum  
Vitam servat à vitiis.

Jesu nostra redemptio,  
Fac nos in Regnis cœlicis  
Hujus Patronæ merito  
Sanctorum frui gaudiis.

Amen.

V. Diffusa est gratia in labiis  
tuis.

R. Propterea benedixit te  
Deus in æternum.

*Ad Benedictus, Antiph.*


Corona sponsa prædita,  
præsentata per Virginem,  
plebem devotam visita, tuam  
rege progeniem, umbram  
mortis illumina, noctis au-  
fer caliginem, pedes nostros  
justifica in pacis pulchricu-  
dinem.

*In ii. Vesperis, ad Magnificat.  
Antiphona.*

Vale suavis musica, demul-  
cens aures Principum: tu  
Gedeonis buccina, castra de-  
terrens hostium: tu dulcis  
tympanistris, corda movens  
fidelium, converte mater in-  
clyta luctum nostrum in  
gaudium.

F I N I S.






178  
II. Silhus g. w.


500<sub>1</sub>

J. III. 38



**Bibliotheca  
P.P. Camaldulensium in Bielany**

Depozyt w Bibliotece Jagiellońskiej



00081

11. To the ...

11. To the ...

11. To the ...

11. To the ...

11. To the ...

11. To the ...

11. To the ...

*Handwritten text, possibly "no" and "no" in cursive script.*

J-